



Palamen Nius P2 na 4
Mosbi sot long graun - P2
Poling long Wewak na Goilala bai go het - P4
Today
Wantok
i stap insait!
P13,14,15 na 16

Isipla wei long promotim bisnis bilong yu

GUTPELA KWALITI, GUTPELA PRAIS LONG PNG

Bisnis Kads | **K120** | **K175**

200 kads + takis
Printin tasol
Wanpla sait, ful kala 300 gsm pepa.

200 kads + takis
wantaim disain wok

Only at... **THEODIST LTD**
 THE STATIONERY SUPERMARKET
 Waigani Drive, POM Markham Road, LAE
 Pph: 313 9800 / 7232 1300 Pph: 472 5488 / 7091 7854
 sales@theodist.com.pg sales@theodist.com.pg

KOLIM MIPLA NAO!

Gavman opim Motukea sip bris...



Aja Potabe i raitim

MOTUKEA Ailan arere long Tatana Ailan klostu long Pot Mosbi bai kamap nupela wof o sip bris bilong Mosbi bihain long gavman i mekim wanpela bikpela disisen long muvim sip bris i go long hap.

Praim Minista Peter O'Neill i opim Motukea sip bris aste apinun long ai bilong planti manmeri. Moa long 20 memba bilong Palamen (MP) i bin witnesim dispela opening.

Dispela i makim olsem gavman anitim long PNG Pots i nau kamap nupela ona o papa bilong dispela nupela wol klas pot o bris.

PM O'Neill i tok gavman i bin mekim dispela disisen long muvim sip bris bilong Mosbi i go long hap bikos hap we nau Mosbi sip bris i stap long en em i liklik ples tumas wantaim liklik spes.

Motukea i gat bikpela spes long inapim planti moa sip long kam sua na rausim ol kontena wantaim kago i kam insait long kantri.

Dispela bai larim Mosbi siti i groa moa yet bikos hap we nau sip bris i stap bai ino long kamap siti. Planti nupela long stori bilding bai kamap long hap na daun taun Pot Mosbi na sentral bisnis distrik bai go bikpela moa yet na kam olgeta long Konedobu.

I go moa long pes 2...

Poto: Nicky Bernard

Kastom i go pas...Praim Minista Peter O'Neill i putim sel mani long nek bilong sif papagraun bilong Motukea. Dispela i makim olsem agrimen namel long gavman na papagraun long baim Motukea sip bris, na tu sapos wanpela asua i kamap ol bai no inap go long kot tasol stretim long pasin kastom na we bilong stretim hevi long pasin PNG yet.

Talk more for just K1 a day

Subscribe to our K7 weekly pass.
Dial *123*7#.

Get 7 days **UNLIMITED FREE CALLING**
Between Bmobile-Vodafone numbers

20 MB Internet data

10 MIN Calls to any network in PNG

20 SMS Text to any network in PNG

Contact us now!
Customer Care 76003555
support@bmobile.com.pg

www.bmobile.com.pg



Gavman opim Motukea sip bris

I kam long pes 1...

Motukea em i graun bilong ol Baruni na Tatana papagraun tasol Curtain Bros, wanpela biknem konstraksen kampani, i bin baim long 1993 long kamapim dok yad.

Gavman i baim pinis long Curtain Bros dispela nupela sip bris o pot wantaim K725 milen. Aste apinun PM O'Neill wantaim bikpela grup manmeri wantaim tu moa long 20 memba na gavman minista i bin go long Motukea long witnessim openin bilong dispela nupela sip bris.

"Mi amamas na laik tok tenkyu long olgeta manmeri husat i bin putim tingting na mekim hat wok long larim dispela bikpela samting i kamap long kantri bilong yumi," O'Neill i tok.

Em i tok dispela nupela sip bris bai larim moa bisnis wok i kamap long kantri na tu bai halivim kepitel siti long kantri long groa go moa.

"Gavman i lukim olsem Mosbi siti bai groa i go bikpela. Taim populesen bilong manmeri i groa go antap, siti bilong yumi long Mosbi bai groa tu. Olsem na gavman i mekim disisen long muvim Mosbi pot i kam long Motukea," O'Neill i tok.

Em i tok dispela K725 milen mani bilong baim Motukea i bin kam long tripela local benk - BSP, ANZ na Westpac.

Pablik Entaprais Minista Ben Micah i tok amamas long Curtain Bros o wanbel long gavman i baim Motukea.

Micah i tok tenkyu tu long ol papagraun bilong Motukea long larim gavman i surukim Mosbi sip bris i go long hap.

Micah i bin kisim ol Maimai o pasin tumbuna man i kam long Kavieng long witnessim dispela openin na tekova bilong Motukea pot.

Maimai i mekim pasin kastom bilong ol long rausim twel nogut na klinim ples long larim PNG Pots i kisim dispela sip bris, na tu long larim pasin poroman na wokbung i stap namel long gavman na papagraun.

"Sapos sampela hevi i kamap, bai yumi stretim long pasin kastom na pasin bilong yumi PNG yet. Dispela i minim olsem bai yumi ba no inap long go long kot tasol bihainin pasin kastom na stretim long we bilong PNG," Micah i tok.

Pastaim ol papagraun long hap i bin komplek na go agensim plen bilong gavman long muvim sip bris i go long hap.

Tasol aste ol papagraun i bin wanbel long larim gavmanlong kisim Motukea bikos ol i save olsem gavman bai luksave long ol tu.

Mausman bilong papagraun Haraka Borema bilong Keavaga klen i tok ol pipel bilong Baruni na Tatana i stap rere long wok bung wantaim gavman na PNG Pots long larim ples i senis na tu long larim ol papagraun long kisim benefit o gutpela samting long dispela Motukea wof.

"Mipela i redi long holim agrimen long larim ol pipel i kisim gutpela samting o benefit long dispela wof. Gavman i mas save olsem mipela bai lusim ples bilong painim pis, abus, pis na mekim gaden. Mipela i lusim dispela graun long han bilong gavman long nem bilong developmen long kirapim dispela siti na kantri," Borema i tok.

Mosbi sot long graun

NDC Gavana Powes Parkop i tok Mosbi siti bai sot long graun bikos ol man i wok long baim graun long olgeta hap.

Parkop i mekim dispela toktok taim em i askim Lens Minista Benny Allen long klarim toktok long loa bilong baim graun insait long taun na siti.

"Yumi mas plen gut long kamapim ol siti na taun insait long kantri. Tasol nau long Mosbi siti, olgeta graun arere long siti i go pinis. Ol man i wok long baim na mi bilip olsem i nogat graun moa long surukim siti i go moa," em i tok.

Em i tok planti graun nating wantem bus long 14 na 17 mail i go pinis long han bilong man. Planti ol mani man i baim pinis olgeta graun nating na bus long 14



Wantaim Aja Potabe na Stanley Nondol

mail na ol graun nating stap arere long rot i go long Sogeri, Parkop i tok.

"Ol man i bin baim graun long Taurama na mekim haus. Tasol nau ol manmeri i wok long kisim hevi long Taurama bikos i nogat wara saplai, nogat gutpela hap long rausim pipia na rabis na i nogat gutpela

rot i go insait long wan wan blok," Parkop i tok.

Minista Allen i tok sapos ol man i baim graun long ol papa graun yet, em i orait aninit long loa bikos graun long PNG em i stap aninit long onasip bilong ol papagraun yet.

"Ol papagraun em i bos bilong graun sapos graun em i kastomari graun. Tasol sapos graun i stap aninit long nem bilong gavman, emi stet len nau. Em i graun bilong gavman," Allen i tok.

Allen i tok ol papagraun i noken long long na salim graun nating nating long ausait man. Planti papagraun i wok long salim graun nating nating long ol ausait man long liklik mani tasol na dispela em i wanpela nogut samting ol papagraun yet i wok long mekim i stap.

Stet len em i graun bilong gavman

LENS Minista Benny Allen i tokaut kliia olsem graun bilong gavman o stet len em i graun bilong gavman na n ogat wanpela man inap long kisim nating.

"Taim gavman i baim wanpela graun bilong papagraun, dispela graun em i graun bilong gavman. Em i kamap stet len na gavman bai holim taitel long dispela graun long 99 yias olgeta," Allen i tok.

Em i tok maski dispela 99 yia i pinis tu, graun gavman i baim long en em bai stap

aninit long gavman yet.

"Nogat wanpela wanpela man bai inap long baim graun bilong gavman. Tasol ol man i ken lisim graun bilong gavman. Ol no inap long baim gen dispela graun bilong gavman," Allen i tok.

Allen i mekim dispela toktok bihain long Oro Gavana Gary Jufa i askim sapos em i save long sampela paul pasin ol ausait man i wok long mekim long stilim graun bilong gavman long Popondetta taun.

Gavana Jufa i tokim Pala-

men long Tunde (28 Julai) olsem wanpela man bilong kantri Malaysia i giaman na tok em i bilong PNG na stilim graun long Popondetta taun.

"Dispela man em i kam long Malaysia. Tasol taim em i laik kisim dispela graun, em i giaman na tok em bilong PNG. Mi no save sapos Lens Minista i save long dispela o noga," Jufa i tok.

Taim provisel lens bod i laik sekim sapos dispela Malaysia man i bin kisim dispela graun long stretpela wei, Jufa i tok

dispela man i givim braiberi mani long ol polisman long lukautim em na stopim ol provinsel lens bod long mekim wok bilong ol.

"Taim provinsel lens bod i laik mekim wok bilong ol, ol polis man i wok long kisim giaman kot oda na stopim wok bilong narla pablik sevan. Dispela kain pasin i mas stop long PNG," Jufa i tok.

Em i tok dispela man Malaysia em givim mani long ol wokman bilong Lens Departmen long Mosbi na kisim dispela graun long Popondetta.

Gavman yusim K914m long PIP projek long namba wan kwata

TOTAL mani gavman i givim long gavman dipatmen na ejensi long namba wan kwata bilong 2015 i sanap long K914.17 milien aninit long Pablik Invesmen Program (PIP) long gavman.

Gaman i tokaut long givim K4.499 bilien long 2015 baset aninit long Developmen Baset. Long K914.17 milien gavman i givim long ol dipatmen na ejensi aninit long PIP, ol i yusim K290.7 milien long ol wok developmen. Em i wankain long 32 pesen bilong mani.

Minista bilong Nesenel Plening Charlse Abel i tok gavman i givim K240 milien long Pasifik Gems we gavman i tokaut long K360 milien

long 2015 baset.

Minista Abel i tok K63 milien i go long DSIP na K44 milien i go long PSIP long namba wan kwata. Minista Abel i tokim palamen long las wik olsem mani gavman i yusim long namba wan kwata i daunbilo bikos ol gavman dipatmen na ejensi i yusim liklik mani tasol na sampela stap yet long akaun.

Em i tok wok i go orait long Nesenel ID Kad Program wantaim K2 milien, na tu Pot Mosbi pawa grid projek i kamap gut wantaim K2 milien. Gavman i givim K10milien long Nesenel ID projek na tu K10 milien long Pot Mosbi pawa grid projek.

Minista Abel i tok planti wok

developmen bai kirap long namba tu kwata wantaim baset gavman i putim pinis.

Minista Abel i tok tupela bikpela hevi em long kepesiti o no gat inap ol samting bilong kirapim ol wok na tu lukim prokumen o rot bilong givim wok kontrak i kisim longpela taim na planti projek bilong gavman i no kamap na pinis hariap long taim.

Em i tok narapela hevi i lukim ol wok i no kirap kwik em ol dipatmen na gavman ejensi i no save hariap long givim ripot bilong wok, na tu ol i no save givim kes flo na plen bilong wok hariap. Em i tok i gat nid long gutpela wok i mas kamap long stretim hevi long projek i no save hariap.

Moa long en, Minista Abel i tok no gat inap mani long gavman akuan bilong kirapim ol prokej tu i lukim ol projek i no kirap na pinis long taim ol i makim.

Sampela bikpela projek we Minista Abel i tok gavman i putim mani long 2015 Developmen baset em; Pasifik Gems K59.2 milien, Pot Mosbi siti rot K170 milien, Hailans rot K240 milien, Lae sip bris K270 milien, Lae siti rot, K74.4milien, Nesenel Brod Ben, K45 milien, NDB SME Kredit Fan K70 milien, NID/Baiometrik K10 milien, na Hausing na Len Developmen Projek K61 milien

Pawa no go yet long Angoram

MEMBA bilong Angoram Sailo Waipo i tok ol pipel bilong Angoram i wet yet long kisim pawa bihain long pastaim gavman i bin givim K10 milen long mekim dispela wok.

Waipo i tok Angoram inap long kisim pawa long taim tasol ol pipel i wet yet bikos nogat wanpela pawa lain i go kamap yet long Angoram.

Em i askim Pablik Entaprais Minista Ben Micah long Trinde (29 Julai) long tokim em na ol

pipel bilong Angoram wanem taim stret PNG Pawa bai pinisim wok long larim ol pipel bilong Angoram long kisim pawa.

"Mi laikim ol mama na manmeri long ples long kukim nangu na boilim ti long pawa. Pastim gavman i bin givim K10 milen long mekim dispela wok tasol wok i no pinis yet na mani i lus nating. Inap

Minista bilong Pablik Entaprais i tokim ol pipel bilong Angoram wanem

taim PNG Pawa bai pinisim dispela wok na kisim pawa i go long pipel bilong mi," Waipo i tok.

Micah i tok PNG Pawa em i asua long planti samting na em i no stap nau. Tasol em i tokaut olsem em bai askim PNG Pawa menesmen long dispela Angoram pawa projek.

"Bikpela samting i go rong long dispela kampani PNG Pawa," Micah i tok.

"Tasol bai mi stretim wanpela ripot na givim

long Palamen long soim olsem wanem PNG Pawa i ron.

Gren Sif Sir Michael Somare i tok mani bilong kamapim dispela pawa projek i bin stap long Wewak Treseri opis tasol nau em no moa stap.

"Mipela i bin kisim mani bilong dispela projek na em i bin stap long Treseri opis long Wewak. Olsem wanem na dispela K10 milien i bin stap long Wewak Treseri long mekim dispela wok i lus

nating," Sir Michael i tok.

Sir Michael i tok wanpela man husat i 'bos bilong ol pawa stesen' i wok long haitim na paulim dispela mani.

"Mi bilong Angoram na mi laikim PNG Pawa long pinisim wok," em i tok.

Pastaim Pablik Entaprais Minista Arthur Somare, husat i memba bilong Angoram, i bin givim dispela K10 milien long PNG Pawa long pulim pawa i go olgeta long Angoram.



Pablik Entaprais Minista Ben Micah

Wok long painim gutpela sindaun long Bogenvil

Pater Philip Gibbs SVD i raitim

OL manmeri long Bogenvil i wok yet long kamapim gutpela sindaun na jastis.

Pater Philip Gibbs SVD i bin lukim dispela taim em i bin givim sampela skul long woksop long Moratona long Saut Bogenvil.

Sister Lorraine Gerasu na tim bilong em i bin kirapim dispela woksop long helpim ol manmeri long Bana eria long lukautim pis proses o wok long painim gutpela sindaun na pinisim hevi na painim bel isi.

Pater Gibbs i bin helpim ol long tingim na skelim wangepela hevi i stap, em pasin bilong tok olsem narapela i bin wokim posin, na long bagarapim em na sampela taim long kilim ol husat ol i ting em posin man.

Ol lain i bin skelim gut ol kainkain mejik o sanguma pasin olsem posin, malira, soseri, sanguma, blekpawa, lotu long devil, na ol kain samting olsem. Tude i gat planti toktok i kamap long ol dispela kain samting.

Long woksop, ol i bin lukim olsem planti taim pawa bilong ol kain mejik no gut i stap long toktok i raun na bihain toktok i karim kaikai no gut long violens na birua pasin.

Ol i bin ting olsem strongpela Kristen bilip i ken givim strong long ol long painim rot long pogiv, na ol i skelim hau ol komuniti lida na sios lida i ken helpim ol manmeri long kamap fri long ol samting i save bagarapim gutpela sindaun bilong ol pipel.



Pater Phil Gibbs SVD sanap wantaim ol lain long Pis woksop long Moratona.

Frans Polinesia i ken kamap memba long PIF: Pato

MINISTA bilong Foren Afeias na Imigresen, Rimbink Pato, i tok orait long Frans Polinesia i raitim pas i kam long kamap memba long Pasifik Ailans Forum (PIF).



MINISTA bilong Foren Afeias na Imigresen, Rimbink Pato.

Minista Pato i go pas long PIF Misin bilong Minista i go long Frans Polinesia long 20-24 Juali, 2015 long Pateete, Tahiti.

As tingting bilong dispela raun em bilong lukluk gut na redim ripot na painimaut sapos i no gat asua long pas bilong Frans Polinesia.

"Gavman na ol pipel bilong Frans Polinesia i mekim namba wan kontribusen i kam long ikonmik na kalsaral senis insait long Pasifik.

"Long klostu tupela wik i go pinis, bikipela tim long Frans Polinesia i kam salens long Pasifik Gems na em i bikipela samting tru.

"PIF em i namba wan samting we mipela bai gat bikipela toktok wantaim ol stekholda bilong nupela memba husat i join," Pato i tok.

Em i tok moa olsem, "Disisen mipela i mekim long nupela memba i ken joinim PIF em i no liklik samting.

"Nau mipela bai bihainim ol rul bilong PIF long tok orait long ol nupela memba husait i laik joinim."

Minista Pato i amamas tru long rot ol i ranim dispela bung.

Presiden bilong Frans Polinesia, ol Minista bilong em, ol Sios Lida, ol Politikal Pati, Tred Yunion, Semba bilong Komes, Meri Kaunsil na Yunion, na ol Ekademiki bilong Tahiti i stap wantaim long dispela bung.

Minista Pato i toktok long bung olsem olgeta memba bilong PIF i gat wok long mekim.

"Ol bai kisim ol infomesen na ripot i go long ol lida bilong Forum long mekim disisen long namba 46 PIF bung bai kamap long Papua Niugini long Septemba, 2015.

"Ol bai mekim ol gutpela disisen we mipela bai kisim sampela helpim long bihain," Pato i tok.

GAME ON!

"I am always in the fast lane with **BSP's Mobile Banking** I can use it anywhere on the run!"

Toea Wisil, PNG Sprint Champion and BSP Brand Ambassador

Top Up Mobile Phone Credit and keep in touch during the Games.

Send Money via Wantok Moni to wantoks even if they don't have a bank account.

Transfer Funds to family and friends anytime even while supporting PNG.

Buy EasiPay to Top Up electricity units and tune in to watch the Games.

mobile
banking

Anytime, Anywhere!

Be smart and fast, like Toea.
REGISTER NOW for Mobile Banking!

320 1212 / 7030 1212 - 24/7
 servicebsp@bsp.com.pg
 www.bsp.com.pg

BSP
 Official Sponsor of the 2015 Pacific Games

Olgeta memba sapotim klaimet senis bil

PRAIM Minista Peter O'Neill na olgeta memba bilong Palamen i givim sapot bilong ol long nupela Klaimet Senis (Menesmen) Bil we Envairomen na Konseven Minista John Pundari i laik kamapim.

O'Neill wantaim olgeta 67 memba husat i bin sindaun long Palamen long Tunde (28 Julai) i bin sapotim dispela nupela bil na vot long larim dispela bil i kamap loa o ekt bilong Palamen.

O'Neill i tok dispela nupela bil taim em i kamap loa long PNG, bai larim gavman long lukautim bus, graun na wara na helpim long daunim ol hevi bilong klaimet senis.

"Klaimet senis em i wanpela no gut samting. Taim ol bikpela kantri olsem Japan, Saina, Amerika, na Rasia i kukim planti samting no gut long fekotri bilong mekim kainkain samting, dispela smuk no gut i kamaut long fektori i save bagarapim blu skai bilong dispela graun," O'Neill i tok.

Taim dispela i kamap, ol smuk no gut i save mekim graun i go hot stret na olgeta ais bai kamap wara. Taim ais i kamap wara, solwara ba pulap na karamapim ol liklik ailan.

Solwara i wok long go antap na karamapim planti ol liklik ailan long Pasifik na tu long Carterets Ailan long Bogenvil.

Dispela nupela bil bai larim PNG long lukautim bus, graun na wara na helpim daunim ol hevi long klaimet senis i kamap.

"No gat wanpela kantri bai sanap na toktok long helpim yumi. Nau em i taim bilong yumi yet long sanap long ai bilong ol arapela lida bilong ol bikpela kantri na toktok strong long olsem wanem bai yumi ken stopim klaimet senis," PM O'Neill i tok.

O'Neill i tok kain liklik kantri olsem Kiribati na Tuvalu insait long Pasifik Ailan i wok long painim graun long stap bikos solwara i wok long kirap na karamapim graun.

"Planti ol bikpela kantri husat i gat bikpela fektori we ol i kamapim smuk no gut long kamapim klaimet senis i no sore long ol liklik ailan kantri olsem PNG na ol arapela Pasifik Ailan katri," O'Neill i tok.

Em i tok dispela bil bai larim PNG lukautim ol bus, graun na wara na tu bai larim PNG sanap olsem bikpela kantri insait long Pasifik long stretim ol arapela toktok wantaim ol bikpela wol lida long ol bikpela bung bilong klaimet senis.

Poling long Wewak na Goilala bai go het

Ilektoral Komisina Sir Andrew Trawen i tokaut olsem Gavana Jenerel i surukim de bilong poling long Wes Sepik na Goilala i go 7-pela moa de na bai pinis long Julai 31 tumoro.

Sir Andrew i tok em i surukim poling long givim sans long 26 insait long 102 tim long Wes Sepik na 16 insait

long 39 tim long Goilala long pinisim ol wok bilong ol.

Em i tok klia olsem poling long tupela ilektoret bai no inap pinis long taim stret bikos poket mani bilong ol poling sekyuriti i no redi. Dispela i kamap bikos ples i ren na ol hevi long teknikel sait i kamap long karim ol poling opisa na ol sekyuriti.

Ilektoral Kominisina i tok

poling bilong Goilala i suruk long Fraide 24 Julai, 2015 i go long Trinde 29 Julai na poling bilong Wes Sepik Provins i suruk i go long Fraide 24 Julai inap Fraide 31 Julai tumoro.

Sir Andrew i tok ol poling tim husat i mekim poling pinis o i no yet em: Wes Sepik long Aitape-Lumi i gat

tupela poling tim na Telefomin i gat 24 poling tim. Long Goilala insait long Woitepe LIG i gat 12-pela poling tim, Guari LIG i gat wanpela tim na Tapani LIG i gat wanpela tim.

Em i tok moa olsem ol poling long tupela ilektoret wan taim i kamap gut na nogat wanpela hevi i kamap yet.

Lukautim bus, graun na wara

IS Sepik Gavana Gren Sif Sir Michael Somare i tok yumi mas lukautim bus, graun na wara na larim sampela i stap gut long larim ol pikinini bilong yumi long bihain taim long yusim.

Gren Sif i mekim dispela toktok taim em i sapotim Envairomen na Konsevesen Minsita John Pundari long kamapim nupela Klaimet Senis (Menesmen) Bil long Palamen Haus long Tunde (28 Julai).

"Dispela bil em i gutpela bil tumas. Yumi mas lukautim bus, graun na wara bilong yumi long dispela kantri. Ol pikinini bilong yumi tumaro bai no inap stap gut sapos yumi gridi nau yet na yusim olgeta samting," Gren Sif i tok.

Em i tok klaimet senis i wok long kamapim birua long ol manmeri bilong ol liklik ailan, na tu ol manmeri husat i stap long hai graun tu i wok long pilim nogut samting bilong klaimet senis.

"Las wik mi go long Ambunti long Is Sepik na lukim bagarap i kamap long ples. Bikpela hul i kamap long ples na haus i go insait long hul bilong graun," Sir Michael i tok.

Em i tok dispela kain samting i no save kamap bipo tasol nau bikos long klaimet senis birua, kainkain nupela

nogut samting i wok long bagarapim laip na sindaun bilong manmeri.

"Klaimet senis i wok long kamapim kainkain birua long ples bilong yumi. Dispela nupela bil bai larim yumi ol manmeri lukautim bus, graun na wara na tu pait agensim klaimet senis," em i tok.

Naru i no wanbel long kamapim planti bodi tumas

MOROBÉ Gavana Kelly Naru i tok gavman i wok long kamapim planti kain kain bodi tumas long mekim ol wankain wok tasol na em i paulim ol sistem.

Naru mekim dispela toktok long taim em i bringim ol akwital ripot bilong ol 2014 provinsal sevis impruvmen program (PSIP) i go long Dipatmen bilong Implementesen na Rural Dvelopmen i no long taim i go pinis.

Em i tok long Lae nau i gat Distrik Dvelopmen Atoriti na Lae Siti Atoriti na em i mekim ol i paul olgeta long wanem wok ol dispela ejensi bai wokim em i narakain long narapela bai wokim. Na tu wankain long wok bilong Provinsal gavman na ol LIG na Distrik na dispela i wok long blokim rot bilong ol sevis i go long ol pipel hariap.

Em i tok kamap bilong DDA na Lae Siti atoriti em i no bihainim mama lo. Ol i mas mekim klia long kot bikos em ol i no trupela institusien bilong gavman we i kamap aninit long lo.

Gavana Naru i tok olsem maski ol i kamapim dispela Bil long nem bilong bringim sevis, gutpela sindaun na go het bilong kantri, em ol i no toktok gut wantaim Morobe Provinsal Gavman.

"Em i wanpela hatpela disisen we ol lain antap i wokim na em i bagarapim tru ol wok bilong ol program bilong mipela, plen na go het bilong Morobe provins," Gavana Naru i tok.

Em i tok dispela tripela hap bilong gavman sistem i mas gat pawa. Em i tok, gavman ting olsem ol dispela senis i kamap long gutpela bilong ol pipel long sevis tasol trupela stori em i olsem, dispela nupela senis i mekim wok i hat moa.

Mista Naru singaut long gavman long givim moa pawa long ol man long graun long Distrik, LIG na provinsal gavman level na em i no ken kamapim sampela moa nupela sistem na straksa.



NOTICE TO ALL FUND RECEIPIENTS RE: INCOMPLETE AND NON ACQUITTALS 2012-2014

NGCB Audit investigation revealed that majority of the projects funded by Community Benefit Fund were either not acquitted at all or were only partly acquitted. Fund recipients are only advising the Board by way of a written letter confirming receipt and monies expended as the expenditures instead of attaching the actual receipts as the usual practice to account for monies expended. Audit could not consider such letters as the actual acquittals and not acceptable.

In the absence of proper receipts this may indicate that some expenses could have been for personal use and abused by the fund recipients. It is the responsibility of all fund recipients to provide an Acquittal Report for the use of public funds, demonstrating that the funding has been used for the purpose for which it was provided in compliance with accountability requirements.

Your Acquittal Report should entail the following:

- 1) Detail summary of financial break-up of how funds were expended,
- 2) Bank statements of organisations/groups
- 3) Copies of receipts
- 4) Pictures of the actual infrastructure, complete project and
- 5) Brief explanation on how your organisation, community and individuals have benefited this funding.

Audit managed to obtain those acquittals available from January 2012 to December 2014 thus all incomplete and non-acquitted from 2012, 2013 & 2014, must be submitted in full to the National Gaming Control Board by 31st August 2015, in a marked envelope and addressed to:

**Chairman
Board of Trustees Community Benefit Fund
National Gaming Control Board
P.O. Box 759
WAIGANI
National Capital District**

Note: Failure to lodge your acquittal report may result in legal actions and NGCB not assisting with any future requests.

For further assistance contact our Community Benefit Fund unit on email address: cbf.infor@ngcb.gov.pg or phone no. 320 1907 or fax no. 320 1908.

AUTHORISED BY: CHAIRMAN, LESLIE HOFFMAN



Gavana Kelly Naru givim ol PSIP akwital ripot bilong em i go long Ekting Seketeri bilong Dipatmen bilong Implementesen na Rural Dvelopmen, Mista Paul Sai'i.



PIH Saveman *Nius*

"I kam long Pacific International Hospital Port Moresby"

Ph: 311 3000 and 799 88000 Textline 7155 8866 Website: www.pih.com.pg

TB beyond the lungs...

By Dr. Vemu Sudhir & PIH Marketing

In our previous article, especially that of Dr. Mondia (WANTOK, 26 March 2015), we of PIH emphasized how TB affects the lungs and how the best safeguard is for all those who cough to make sure their mouths are covered when coughing, as the TB bacteria is usually expelled by coughing from the infected person and stays in the air for a while.

Tuberculosis is an infectious disease caused by the microorganism Mycobacterium tuberculosis. It can affect several organs of the human body, including the brain, the kidneys and the bones; but most commonly it affects the lungs (Pulmonary Tuberculosis). The first stage of the infection usually lasts for several months.

During this period, the body's natural defenses (immune system) resist the disease, and most or all of the bacteria are walled in by a fibrous capsule that develops around the area. Before the initial attack is over, a few bacteria may escape into the bloodstream and be carried elsewhere in the body, where they are again walled in. In many cases, the disease never develops beyond this stage - and is referred to as TB infection.

If the immune system fails to stop the infection and it is left untreated, the disease



TB can affect other parts of the body.

progresses to the second stage, active disease. There, the germ multiplies rapidly and destroys the tissues of the lungs (or the other affected organ)

In rare cases, a TB infection may spread to the joints, causing TB arthritis.

The most commonly infected joints include the wrists, ankles, knees, hips and spine. When the bacteria does spread to a joint, typically only one joint is infected.

The affected joint often suffers from stiffness, swelling, tenderness and a decreased range of motion. TB arthritis may also cause a fever and excessive sweating, particularly during the night. The muscles around the joint may experience spasms and may atrophy over time. If the infection is in the spine, the parts of body below the infection may feel tingling, numbness

or weakness.

Farfetched as it may at first seem, PIH orthopedic surgeon Dr. Vemu Sudhir recently had to operate on a patient whose right hip had gotten dislocated because of tuberculosis! In Dr. Sudhir's words:

"He was brought to us with pus discharge from his right upper thigh and a fully bent hip, making him lame. He developed limping since Octo-

ber 2014.

The patient developed deformity in his right lower hip and knee and they were full of fluid. He had severe pain during movement.

By January 2015, he had continuous pus discharge and deformed lower limbs.

He was taken up for surgery during which his femoral epiphysis was slipped... his metatarsal cavity was full of infected tissue...

All this we had thought at first was a case of the infection of the bone, but, after he was made to undergo a Biopsy, it showed that this was caused by Tuberculosis!

The TB germ was what had caused his bone to be infected! So he was put on TB medication.

At present he is doing well and his deformities are slowly getting corrected."

If left untreated, the mortality rates for TB are quite high. 5 in 10 cases would die within 5 years and 2 in 10 would develop chronic infections. While about 3 in 10 do manage to self-cure.

Public service Announcement:

FREE SURGERIES FOR CLEFT LIP AND CLEFT PALATE WILL BE HELD IN OCTOBER AT THE PACIFIC INTERNATIONAL HOSPITAL COURTESY OF OPERATION OF HOPE DOCTORS FROM THE U.S.A. IF YOU HAVE A RELATIVE WITH CLEFT LIP, PLEASE SEND PATIENT DETAILS EITHER BY FACEBOOK, LIKING FB PAGE "PIHkinini Smile", OR EMAIL publicrelationspih@gmail.com OR TEXT TO 7155-8866.

Quick tips on Symptoms and Solutions to TB

People with TB disease may have 1 or more of these symptoms:

- Coughing for 3 weeks or longer
- Losing weight
- Poor appetite
- Sweating at night
- Fever
- Chills
- Feeling tired or weak
- Pain in the chest
- Coughing up blood or brown-coloured material from your lungs

How do doctors test for TB?

You may need more than 1 test for Tb disease:

A **Mantoux skin test** can tell whether you have TB germs in your body, even if they are "asleep"

A **chest X-Ray** can tell whether the germs have hurt your lungs

Sputum culture tests can tell whether TB germs are growing in your lungs

How can I get better?

You need to see a doctor and take special TB medicines to kill the TB germs

TB germs are strong and live a long time. You will feel better a few weeks after you take the TB medicines. To be sure that all of the TB germs are killed, you must keep taking TB medicines for at least 6 - 9 months

It is important to see your doctor every month until your TB treatment is finished. The doctor will do tests to be sure you are getting better, ask if you have any problems with the medicines, and answer your questions

What do doctors do to test for?

- * AFB Smear Test
- * TB Quantiferon Gold
- * Genexpert Tuberculosis Confirmation Test

Be part of the top-tier facility of your profession!!



Nurses, Midwives, and CHW welcome to apply

send your CV to donmary.pih@gmail.com and publicrelationspih@gmail.com or text 7155 8866



Polis bai holim Sekreteri bilong Treseri, Dairi Vele

POLIS Komisina Gari Baki i tok i gat wanpela waren ov arest i stap pinis long holim Treseri Sekretari Dairi Vele.

Komisina Baki i no bin save olsem dispela arest waren i bin stap bikos Sif Inspekta Timothy Gitua bilong Nesenel Frod na Anti-Korapsen Dairektoret (NFACD) i no bin tokim em.

"Mi olsem Komisina bilong Polis i no bin kisim toksave olsem waren ov arest bilong

holim Dairi Vele i stap. Taim mi bin lukim long Fesbuk long Sarere Julai 25, mi askim Dairekta bilong NFACD, Mathew Damaru," Baki i tok.

Baki i tok long Sande Julai 26, em i givim tok orait long Inspekta Gitua long go het wantem dispela distrik kot oda long holim sekretari Vele.

Dispela kot oda o waren ov arest i laikim polis long holim Vele long em i bin givim tok orait long givim mani bilong gavman

long baim tupela nupela jenereta long wanpela kampani bilong Israel.

Gavman i bin baim dispela jenereta long yia 2014 na givim long PNG Pawa long saplaim moa pawa.

Vele i tok em i no hait long polis tasol em i stap long opis na mekim wok.

"Mi no hait raun long polis. Mi stap long opis long Vulupindi Haus na mekim wok bilong mi," Vele i tok.

Opim Hawa haus kalabus

GAVMAN i mas opim Hawa haus kalabus long Hela Provins, wanpela lida long ples i tok.

Kaunsila bilong Hawa LLG, Potabe Ale i askim gavman long opim Hawa haus kalabus bikos planti loa a oda asua i wok long kamap long Hela.

"Sapos haus kalabus i stap gut, ol man bai no inap mekim pasin no gut. Tasol nau yet no gat wanpela haus kalabus i stap long Hela na ol man ino pret long mekim pasin nogut olsem kilim man," Ale i tok.

Em i mekim dispela toktok bihain long sampela man i kilim wanpela yangpela boi long liklik ples Halongali.

Halongali em i klostu long Hawa haus kalabus na tupela ples i stap insait long Tagali LLG eria.

Dispela boi i bin stap long wanpela haus kra i na ol man i bin sutim em long gan nating. Nogat

wanpela samting rong dispela boi i mekim tasol ol man i kilim em nating.

Ale i tok ol polisman i no holim ol dispela man husat i bin yusim gan long kilim dispela boi.

"Tari polis stesen i no stap gut long lokim ol manmeri husat i brukim loa. Sapos ol polisman i holim ol manmeri bilong brukim loa tu, ol bai brukim sel na go aut, Ale i tok.

Long dispela as tasol Ale i laikim gavman long opim Hawa haus kalabus gen. Hawa haus kalabus i bin stap gut tasol long yia 2002 olgeta wada manmeri i bin lusim ples na go taim sampela politikel hevi i bin kamap.

Nau Hela i kisim provins bilong em yet, provinsel gavman na nesanel gavman wantaim i mas wokbung wantaim na traim kirapim dispela haus kalabus.

Insait long Hela tu,

planti kain kain trabol na hevi i wok long kamap. Midia ripot i tok ino long taim tasol, ol man i brukim banis i go insait long haus bilong wanpela pasto meri na stilim ofaim mani na ol arapela samting bilong haus lotu.

Long Fugwa insait long Koroba-Kopiago, ol man i kilim wanpela man insait long haus lotu. Insait long Tari town yet, bikpela pait i bin kamap na planti man i bin dai.

Ol polis long Tari i bin painim hat long stopim na gavman i bin salim ami aninit long stet ov imejensi long stopim dispela bikpela pait.

Ale i nau tok sapos gavman i opim gen Hawa haus kalabus, loa na oda hevi insait long Hela bai go daun. Dispela em i wanpela nam-bawan samting ol liklik manmeri bilong Hela i laikim ol lida bilong ol na gavman long mekim.

Nupela kol senta long helpim sikman

WESTEN Hailans Helt Atoriti (WHPHA) i kamap namba wan pablik haus sik long PNG long putim nupela kol senta long larim ol manmeri long kolimo ringim haus sik wokman taim ol i pilim sik.

Sif Eksekutyiv Opisa (CEO) bilong WHPHA, Dokta James Kintwa, i tok dispela kol senta em i namba wan kol senta insait long kantri

bikos no gat ol nara-pela haus sik o helt senta i gat dispela kain kol senta.

"Dispela kol senta em i wanpela gutpela samting long larim ol dokta na nes i hariap tru long sevim laip bikol longol man, meri, na pikinini insait long Westen Hailans na Jiwaka Provins," Dokta Kintwa i tok.

Kintwa i tok dispela kol senta bai larim ol

sikman long kolim dokta na nes long sevim laip bilong sikman.

Wankain taim dispela kol senta i ken helpim ol nes meri husat i stap long liklik ed pos na helt senta long kolim dokta sapos ol i paul long givim marasin o yusim sampela ol arapela samting bilong haus sik.

Long yia 2014 tasol, dispela kol senta i bin

kisim moa long 463 kol i kam long ol sikman meri na tu i kam long haus sik wokman.

Gavman bilong Australia aninit long AusAID i bin putim dispela kol senta long mani mak \$478, 000. Dispela kol senta bai larim ol manmeri kolim haus sik fri.

Sapos wanpela man o meri insait long Westen Hailans na Jiwaka Provins i painim helpim.



Papua Niugini NESENEL AIDENTITI PROJEK



Oi emu namo totona, Nesinol ID kadi oi abia



Edukesen/ Sikuli

- ▶ Oi emu natuna sikuli lalonai atoa vareai dalana be do ia auka lasi.
- ▶ Gavmani ese oi emu sikuli davana do ia karaia.

"Oi rejista hari bona oi noho lalonai"

Nesenal Plening Dipatment ese hereva ia mailaia



Planti skul pikinini smukim mariwana

MARIWANA o spakbrus em i wanpela nogut samting long bagarapim laip bilong man. Tasol planti ol yangpela manmeri na ol skul pikinini i wok long smukim dispela smuk nogut.

Awenes na Edukesen Opisa bilong Nesenel Nakotiks Bureau (NNB) Lawrence Tau i tok mariwana i gat moa long 400 kainkain kemikol nogut bilong bagarapim tingting na bodi bilong man.

Maski NNB i wok long mekim planti awenes toktok long ol pipel long olgeta hap bilong kantri long stopim mariwana, planti yangpela manmeri i wok long sakim tok na simuk mariwana yet.

Tau i nau singaut strong long ol papa mama long lukautim pikini bilong ol gut na givim skul toktok long stopim ol long smukim spakbrus.

"Spak brus em i no gutpela samting. Em i wanpela nogut samting we em i wok

long bagarapim laip bilong ol yangpela manmeri long PNG,"Tau i tok.

Tau i mekim dispela tok-tok taim em i lukim olsem planti ol yangpela mameri wantem skul yunifom i wok long drin stim na hombriu, na smukim mariwana wantaim.

"Mi hat long bilip olsem sampela skul pikinini i save ronawe long taim bilong skul na smukim mariwana na drin stim," Tau i tok.

Em i tok em i kirap nogut olsem ol liklik pikinini long praimer skul tu i wok long smuk mariwana na drin bia.

"Dispela em i wanpela nogut samting stret. Ol pikinini bai kamap manmeri na lida bilong dispela kantri tasol taim mariwana i bagarapim tingting bilong ol taim ol bai no inap long mekim wanpela gutpela samting long lukautim laip bilong ol yet na tu ol bai no inap long sanap strong long kamap lida bilong dispela kantri,"Tau i tok.

Tau i laikim polisman long kalabusim ol mangi husat i wok long salim mariwana long kain ples olsem long Godens maket, Manu maket, Waigani maket, Koki maket na ol narapela ples insait long Mosbi na tu long narapela hap bilong kantri.

Em i laikim gavman long strongim ol loa bilong mariwana na larim loa i mekim save long ol manmeri husat i planim, salim na smukim mariwana.

"PNG mas strongim loa bilong mariwana na ol arapela drak. Sapos gavman i strongim loa, mi bilip ol manmeri bai poret na no inap smukim, salim o planim mariwana insait long kantri," Tau i tok.

Tau i askim ol papamama tu long lukautim ol pikini bilong ol gut.

"Ol papa mama husat i gat pikinini mas lukautim pikinini gut. Noken larim ol pikinidring stim na hombriu. Noken larim ol kisim spakbrus," Tau i tok.

Ol yut i gat namba tu sans long skul



Ol yut long Erima na Gordons i klinim fran get bilong Wantok Niuspepa opis. Dispela ol namba 12 yut i klinim Pot Mosbi long 30 de nau.

Esther Bralyn Wani i raitim

OL 96 yut insait long Nesenel Kapitol Distrik i klinim Pot Mosbi siti aninit long Eben Yut Emploimen Projek.

Dispela projek i kamap long helpim ol yangpela husat i no save wok o salim ol kaikai o samting long klinim siti na go insait long kolis sapos ol i bhainim ol lo bilong en.

Wanpela bilong ol yut, Patricia Wama, i amamas long dispela projek long wanem em i helpim ol gut.

"Em i naispela projek. Dispela projek i helpim ol yut

long abrusim ol pasin nogut olsem stil, o raskel pasin," Mis Wama i tok.

Long dispela ol i bin mekim Besik Laip Skil Training (BLST) long wanpela wik na husat i mekim gut olsem 90 pesen go antap long 100 pesen i bin go stret long kisim PETT. Husat i bin kisim mak 90 pesen daunbilo i stap insait long Yut Job Kopresen (YJC).

Taim ol i pinisim YJC long 40 de na klinim gut siti bai ol i skul long Pot Mosbi Teknikel Skul na Binis Kolis long 5-mail insait long Mosbi.


Bai ol i kisim setifiket bilong ol na bhain bai ol i go

aut na mekim trening o prektikel long 5-pela mun.

Long wanpela taim, kon-trekta supavaisa bilong ol, lan Bouwe, i tok dispela projek i givim ol yut i nogat wok namba tu sans.

Mista Bouwe i tok wok bilong ol supavaisa i no long lukautim ol tasol em i save givim skul toktok long ol tu.

Wol Benk, Benk Saut Pasifik (BSP), Nesenel Kapitel Dsitrik (NCD), Korean Trust Fund, PNG LNG na Digicel i go pas long sapotim dispela projek long helpim ol yut long painim wok bhain wantaim ol setifiket bilong ol.



What it means to be Papua New Guinean

"Our home is one of the most unique countries on earth.

We all have a part to play to make PNG the greatest country on earth."

Let us embrace our shared values as we build the nation we want - together!

© David Kirkland



"PNG... EM MI YAH!"

National Strategy for Responsible Sustainable Development

www.PNGStaRS.org • Department of National Planning and Monitoring

REPSOL helpim ol helt sevis lain bilong Westen Provins

REPSOL, wanpela pawa kampani bilong kantri Spain i wok long Westen Provins i soim gutpela pasin bilong helpim komyuniti long taim em i givim 400 marasin moskito net o taunam i go long tupela helt ejensi long Kiunga, Westen Provins.

I no longtaim i go pinis, Repsol i winim bel bilong Talisman Energy, em narapela pawa kampani, long Papua Niugini, long bungim wantaim na kamapim wanpela praivet kampani bilong ol lain i save menesim ol pawa.

Long dispela wik em i joinim globol pait bilong daunim sik malaria long PNG, wantaim dispela donetim bilong 400 moskito net i gat marasin.

Dispela donesen i kamap olsem wanpela wok aninit long Komyuniti Invesmen Program bilong en. Robin Moaina, husat i REPSOL PNG Komyuniti Afeas Menesa, wantaim ol fil opisa bilong em i givim 200 net i go long Rumginae Haus sik bilong Evanjelikol Sios bilong PNG (ECPNG) na narapela 200 net i go long Katolik Sios Helt Sevis (CHS).

Ol dispela spesol marasin moskito net, o tau-

nam, i save ranim ol moskito na strong bilong marasin i save stap inap long 6-pela mun pastaim long ol bai kisim marasin gen.

Rurel Helt Kodineta bilong ECPNG Helt Sevis, Tapon Makota na Helt Promosen Opisa, Giwa Have i stap makim ECPNG long kisim ol dispela marasin net.

Mista Makota i tok tenkyu long REPSOL olsem ol dispela net i kam long taim we planti famili i wok long kamap long haus sik wantaim ol mak bilong sik malaria na marasin taunam bai banisim ol tu.

Sista Zita Sika Sagom, Katolik Helt Sevis Program Menesa long Kiunga, i gat bikpela amamas long kisim dispela 200 moskito net na em i tok tenkyu long gutpela pasin ol REPSOL i mekim.

"Donesen bilong yupela i kam long taim stret na mipela tok tenkyu tru. Ripot bilong dispela mun i soim olsem ol etpos bilong mipela i gat planti malaria keis i kamap long haus sik," Sr. Zita i tok.

Katolik Helt Sevis i save lukautim 7-pela etpos long eria na long wanpela patrol bilong ol i go long Matkomnai insait long


Ningerum eria, ol tim bilong em i wari long lukim planti pipel i soim binatang bilong malaria i stap long blut bilong ol. Sista Zita i tok, 160 pipel i kisim tes bilong malaria binatang na 55 pipel, planti bilong ol em ol liklik pikinini, i gat malaria parasait long bodi.

Insait long Kiunga taun ketsmen eria, Montfort Katolik Misin eben klinik i kisim tes long 530 sikman na meri na 250 i soim olsem ol i gat malaria long bodi.

"Dispela em i givim wari long Katolik Helt Sevis na mipela i tenkyu tru long REPSOL i putim han wantaim mipela long daunim malaria," Sista Zita i tok.

Mista Moaina i tok REPSOL em i wanpela globol oil na ges kampani na em i gat strongpela tingting long helpim ol komyuniti we em i save wok long en, olsem Westen Provins.


Em i gat hetkowta long Madrid, Spain tasol em i holim 11-pela eksploresen laisens long wok insait long PNG, 10-pela bilong ol i stap long Westen Provins na wanpela em long solwara long Galp bilong Papua, pastaim long em i baim Talisman Energy Papua Niugini long Me dispela yia.




Amamas long nupela yunifom...

Ol Nesanel Dipatmen bilong Helt Wokman na meri amamas long kisim nupela yunifom bilong wok. *Poto: Frieda Sila Kana.*

Em i blupela na i gat mak bilong dipatmen antap long siot bilong ol. Ol i kisim dispela yunifom inap tupela wik nau na Mis Molly More husat i save wok olsem Edmin Asisten long Helt Promosen na Edukesen i tok, em i pilim gut long taim em i putim dispela nupela yunifom bikos nau ol i luk olsem wokman na wokmeri bilong wanpela bikpela opis bilong gavman stret.



TSSP
TRANSPORT SECTOR SUPPORT PROGRAM



Australian Aid

The Papua New Guinea - Australia Transport Sector Support Program (TSSP) continues the Australian Government's long term commitment to the PNG transport infrastructure sector. The shared long term goal of TSSP is a safe, reliable transport system in place enabling economic and social development in PNG. The program is funded by the Australian Government.

TSSP has identified the need for the services of highly skilled professionals for the roles of:

INFORMATION AND COMMUNICATIONS TECHNOLOGY OFFICER
This role will provide technical and procedural support in the implementation, maintenance and improvement of information management, systems, procedures and activities of the program. The role will manage TSSP network support and online publishing.


OFFICE MANAGER
This role will undertake a range of administrative functions to facilitate the effective implementation of TSSP. The Office Manager will ensure the coordination and implementation of all aspects of logistics, information management, facility management, and other functions required to ensure the smooth implementation of the program.

FINANCIAL CONTROL OFFICER (DEPARTMENT OF WORKS)
This role is responsible for the timely and accurate management of all expenditure of TSSP funds through the Department of Works TSSP trust accounts. The role must ensure all activities associated with the payment cycle operate in an efficient, accurate, and timely manner, and are in compliance with relevant legislation and financial guidelines.

To be considered, applications must include a CV and a statement addressing the selection criteria. The terms of reference and key selection criteria can be obtained from Evelyn Dalley or from the TSSP website www.pngtssp.com. Applications not addressing the selection criteria will not be considered.

Applications must be submitted by email to Evelyn Dalley at evelyn.dalley.tssp@outlook.com. Only short-listed applicants will be contacted for interview.

Applications close 5:00pm on Friday, 14 August 2015



Australian aid - managed by SMEC on behalf of the Australian Government



Ol Helt Opisa long Kiunga Katolik Helt Sevis wantaim Repsol wokman i soim ol marasin moskito net we ol i bin donetim.

Nominesen bilong ol meri i op

OL rot bilong nominesen long 2016 Papua Niugini bilong ol Wimen Forum i op pinis nau.

Yunaitet Stet (U.S) Embasi long Pot Mosbi wantaim Dipatmen bilong Komyuniti Di-velopmen long PNG i go pas long opim nominesen. Dis- pela forum bai kamap long Mas 1 inap 3 long 2016 long Pot Mosbi.

U.S Embasi na Dipatmen bilong Komyuniti Deivelopmen i amamas long tokaut long rot bilong resis long makim na sapotim wanpela bikpela grup bilong ol meri husat bai joinim Forum bilong ol meri neks yia i stat pinis. Ol nominesen bai pas long Oktoba 1 long dispela yia.

Ol i lukluk long stretim jenda jastis na ikonmik sans bilong ol meri. Dispela PNG Wimen Forum bai kisim pipel stap insait long olgeta hap long kantri. Bai i no gat kos long stap insait long dispela forum. Ol bai toksave long stat bilong 2016 long husat bai toktok long dispela Forum.



Dame Meg Taylor i toktok long ol wantaim ol meri i stap insait long 2015 PNG Forum bilong ol Wimen long networking na mentoring.

Ol bai makim husat stap insait long forum long rot bilong resis. Long makim yu yet o wanpela meri long komyuniti bilong yu, kisim nominesen fom long U.S Embasi o kisim long websait bilong ol.

Ol nominesen fom i stap long U.S Embasi long Pot

Mosbi na Dipatmen bilong Komyuniti Divelopmen long ANG Haus na long Ameriken Kona long Nesenel Laibreri.

Bikpela sans bai go long ol meri i mekim ol lidasip wok insait long komyuniti na ol sivil sosaiti grup, ol lida meri

na ol pablik seven na ol man i gat bikpela intres long givim strong long ol meri na jenda ikwalati.

Aplikesen bilong husat i strong bai ol i gat bikpela sans long raun fri na bai gat fri haus slip.

Strongim ol meri long kamapim gutpela sindaun ...17 i greduet long Mercy Works

Sape Metta i raitim

STRONGIM na givim save long ol manmeri (self reliance) i mekim wok na helpim ol yet i wanpela rot long kontribuit long divelopmen bilong kantri na tu, long kamapim gut sindaun bilong pipel insait long ol famili, komyuniti na kantri

Jun 19, 2015 I bin lukim 17-pela lain, em 11-pela meri na 6-pela man i greduet bihain long kisim trening bilong samap, kuk beik, wokim ol sop na kaikai bilong kakaruk long Mercy Works long Goroka, Isten Hailans.

Mercy Works em I wanpela feit bes ogenaseisen we i operet aninit long lukaut bilong Katolik Sios.

Em i go pas long mekim planti gutpela wok long helpim ol planti asples meri long kisim save bilong wok self rilaens o kamapim ol samting long ol yet na painim gutpela sindaun.

Dairekta na Kodineta bilong trening program bilong Mercy Works, Sista Maryanne Kolkia i tok trening i bin stat long 2006 taim Mercy Works i kirapim operesen long Goroka.

"Ol yia i kam na i go i nap long 2014 na 2015, planti ol lain meri na sampela ol man tu i luksave long dispela fri trening mipela i wok long givim, na ol wok long kapsait i kam long kisim trening. Sampela i kam long kisim namba wan o fes taim trening na ol arapela i kam long strongim na skruim skil o save bilong ol long mekim ol self rilaens wok," Sista Maryanne i tok.

Em i tok nau yet insait long wan wan wik, ogenaseisen i wok long givim skil trening long 50 man na meri.

Em i brukim ol, skelim ol i go

i kam long ol grup bilong samap, kuk, beik, na wokim ol sop, blits na kaikai bilong kakaruk na pis.

Sista Maryanne i tok, ogenaseisen i no kisim tasol ol gutpela man long trenim ol, no gat.

Em i kisim na trenim tu ol tarangu lain, na wanpela long ol em Marilyn Michael bilong Obura distrik long Isten Hailans yet.

Turangu Marilyn i no gat ol pinga long tupela han bilong em na wanpela lek bilong em i sot. Mama i bin karim em olsem, na taim em i wok long groap, em i luksave long em yet na ting olsem em i no inap mekim wanpela samting.

"Tasol Papa God i gat plen bilong mi na maski sapos mi no gat gutpela han na lek long mekim ol wok olsem samap na kuk, Papa God i givim mi strong long mi ken lainim long samap na kuk na mi ken kamap yusful long laip," Marilyn i tok.

Nau yet Marilyn wantaim helpim bilong Mery Works i ken samapim ol meri klos, klos bilong ol meri na siot bilong ol man tu.

Em i mekim olsem na i salim ol dispela samting, sevim liklik mani na em i baim wanpela nupela samap masin bilong em yet.

Em i tok, bipo em i no gat wanpela akaun long benk, tasol long stat bilong dispela yia, em i opim wanpela nupela akaun na em i amamas olsem em i ken yusim dispela benk akaun.

Marilyn I bin greduet long namba wan taim wantaim ol arapela meri na ol man.

Narapela meri husat i bin greduet em Helen Metta, husat

i kam yet long Yagana hauslain long Okapa distrik long Isten Hailans.

Em i wanpela pul taim hauswaif o meri i lukautim haus.

Em i gat 6-pela pikinini na 6-pela tumbuna.

Olsem wanpela mama, Helen i save i gat dispela driman long kamapim ol samting long em yet na helpim na sapotim man bilong em long lukautim famili bilong tupela.

Em i tok, planti rot i stap long ol meri i ken kisim trening long kamapim ol samting na kisim helpim long en.

"Mi bin lukluk raun long ol rot bilong kisim trening, long wanem, em driman bilong mi. Na taim mi kamap long Mercy Works, dispela rot em i op i stap na mi putim nem long kisim trening long sait bilong beikim ol kek, bret, kukis na ban," Helen i tok.

Em i tok, em i bin statim trening long stat bilong 2014 yia i go pinis, na bihain long wanpela yia em i kisim gut save long beik.

"Taim mi wok long kisim trening bilong long grup bilong mi, mi luksave olsem dispela trening em i gutpela long wanem, mi kisim na strongim skils o ol nupela save bilong beikim ol kek, bret, kukis, ban na skon," Helen i tok.

Em i tok, bihain long em i lainim na kisim save long beik, em i go long grup bilong samap long kisim skul na strongim save bilong em long wok bilong samap. Helen i tok dispela save em i kisim i helpim em nau we em i wok long beikim ol kaikai nau na salim na tu em i wok long samapim ol stail klos we i no long taim em bai putim aut long maket long salim.



Yut, Meri na Famili
Pastor
Barbara Lunge

Mani bilong heven long wok long graun em i Bilip

OL pipel i save mekim bikpela samting wantaim BILIP. Strongpela pawa tru we man i mas go insait yet long en, em pawa bilong bilip insait long God husat i stap laip, long inapim olgeta nid bilong yumi olsem ol tok promis bilong baibel i tok.

Filipi 4:19. "God bilong mi em i makim olgeta kain gutpela samting bilong yumi ol manmeri bilong Krai Jisas. Olsem na em bai inapim tru olgeta samting yupela i sot long en."

Mani bilong heven long mekim wok insait long graun em i bilip tasol. Bilip em i pasin bilong wanbel wantaim ol tok promis bilong God.

Sapos yu lukim olsem rot i pas long planti samting olsem hevi i bilong mani, o sik no gut ino inap long pinis o yu gat wari we ol dokta i no inap long mekim orait. Matyu 19:26 i tok, "...Ol man i no inap. Tasol God em inap long mekim olgeta samting."

BIKPELA God bilong yumi em i stap long mak stret bilong pawa bilong em. Em bai wokim gen wanem samting em i bin mekim long taim bilong baibel long taim Jisas i wokabaut long graun.

Hibru 13:8 "Pasin bilong Jisas Krai i save stap wankain tasol long asde na long nau tu na long olgeta taim bihain."

Hibru 11:35 "Ol man i dai pinis ol i kirap gen, na bilong ol kisim ol bek gen. Ol birua i kalabusim sampela man na bagarapim tru bodi bilong ol, inap long ol i dai. Ol birua i tok, sapos ol i givim baksaik long God, orait ol bai i lusim ol i go.

Tasol ol i sakim tok bilong ol birua, long wanem, ol i ting sapos ol i dai, ol bai i kirap bek long matmat, na bai ol i kisim laip i gutpela moa."

Kirap bek pawa bilong God em i stap yet long ol husat i bilip na i laik yusim. Rom 8:11 "God i bin kirapim bek Jisas Krai long matmat.

Na sapos Spirit bilong God i stap insait long yutpela, orait long wok bilong Spirit God bai i givim laip long bodi bilong yupela tu, em dispela bodi bilong i dai."

Olsem na tude yu mas larim bilip bilong yu i kirap long lukim samting i hat long kamap bai kamap long yu.

Toksave: Sapos yu i gat wari, tingting planti, yu mas ringim mi na bai mi helpim yu. Raitim pas long dispela adres na fon namba. Barbara Lunge, ROGIM, P.O. Box 3063. Boroko. NCD. PNG, o ring long 79638276 o salim email long:



Wanpela tarangu meri husat i kisim trening bilong samap long Mercy Works Trening Senta long Goroka, Isten Hailans i soim olsem, maski sapos ol i tarangu meri, em i gat bikpela laik tru long lainim long kisim save long samap. Ol foto: Sape Metta



**STORI
TASOL**
wantaim
Fr Paul Liwun

Problem o hevi bilang laip

LAS yia 2014 taim mi stap holide long ples, wanpela de mi bin go wantaim kasen bilang mi long baim kopra.

Em i wanpela man bilang wokim bisnis long baim kopra na narapela kaikai bilang gaden, na bihain em i karim i go long taun na salim gen.

Mipela i yusim yutiliti bilang em i go long planti ples.

Wanpela taim mipela kamap long wanpela maunten ples.

Mipela i mas kalapim bikpela maunten liklik. Tasol taim mipela i no go kamap antap long maunten yet, ka i no inap pulim moa. Taia long baksait i spin tasol. Bikos i no gat hevi bilang em, olsem na taia i no ran i go antap tasol em i spin-spin tasol.

Mipela i stop na kolektim sampela ston arere long rot na pulimaping long baksait bilang kar.

Taim i gat hevi, mipela i draiv i go antap, na i no gat hevi moa.

Nau mi save. Sapos i gat hevi i pulap long baksait bilang ka, ka bai isi tasol i go antap long maunten.

Long dispela eksperiens, mi ken tok, "Problem/Hevi" i no wanpela samting nogut. Nogut. Hevi/problem em i wanpela rot bilang helpim yumi i go antap.

Save o nogut, dispela samting i stap long laip bilang yumi.

Hevi long laip bilang yumi planti taim i bringim blesing long laip bilang yumi.

Sapos yumi no bungim wanpela hevi long laip bilang yumi, yumi bai kamap manmeri i no gat strong long bungim hevi na wari.

Isi tasol yumi bai givap taim yumi bungim hevi na wari long laip bilang yumi.

Plantu manmeri i save bungim hevi na wari, ol i save sanap strong.

Bikpela hevi na wari yumi karim i helpim yumi long tingim God long laip bilang yumi.

Long wankain taim, hevi na wari i mekim bilip bilang yumi i go long God i kamap strong na yumi bai no inap pundaun o tanim tanim tasol olsem taia bilong kar taim God i karim yumi i go antap moa.

Plantu manmeri i mekim gut long wok na laip bikos ol i bin bungim plantu wari na hevi.

Plantu bisnis manmeri bilang dispela graun, na plantu santu i stap antap long Heven wantaim God, i bin bungim plantu hevi na wari taim ol i stap long dispela graun.

Jisas yet i singautim yumi i go long em, taim yumi karim bikpela hevi. Em i bai givim yumi malolo.

Yumi nidim wari na hevi long laip bilong yumi tu, olsem na bai yumi kamap strong.

Hevi na wari bai helpim yumi "I go antap", na i no go daun.

"Bihain antap long klaut, san lait i stap".

Dispela em i wanpela tok mi save tokim manmeri i kam long kanseling na konsultasen.

Em i givim strong na hop long ol i no ken givap.

Maski yumi stap long graun i no lukim san, bikos klaut i pasim, tasol bihain long klaut antap, san lait i stap.

Ol ripot na poto long Edukesen Ekt (1983) rivi namel long Riviu Teknikel Woking Tim na ol Sios Edukesen Ejensi wantaim Veronica Hatutasi

Bung namel long sios edukesen na Edukesen Polisi Rivyu tim

OL Sios Edukesen Ejensi (CEA) i bin bung long las wik Fraide wantaim ol lain bilang Edukesen Teknikel Woking tim i wok long glasim Edukesen Ekt 1983 long givim ol tingting na toktok bilang ol.

Konsaltativ bung i bin kamap long hap de long Nesenel Laibreri we 14 opisa bilang CEA na 8-pela opisa bilang Edukesen Teknikel Woking tim i bin sindaun long toktok, glasim na skelim ol samting i karamapim Edukesen Ekt 1983 we ol i laik kamapim ol polisi senis long en.

Ol konsaltativ o bung toktok long glasim na skelim dispela ekt i kisim tupela yia nau bihain ol i bin statim long las yia.

Tim i raun pinis long ol provins long las yia yet na long dispela yia tu, na las wik i bin lukim ol bikman bilang Sios Edukesen Kaunsil i makim ol bikpela sios olsem Katolik, Yunaitet na Seven De Adventis i kam wantaim na givim ol toktok bilang ol long Edukesen Teknikel Woking tim.

Long ol wik i kam, Edukesen teknikel Woking Tim long Polisi Rivyu bai skruim bung wantaim ol narapela stekholda olsem ol NGO, ol Intenesenel Edukesen Ejensi (IEA) skul, ol gavman dipatmen, ol LLG, Helt Fainens na PNG Tisa Asosiesen.

Tim bai bungim wantaim ol toktok bilang CEA na putim wantaim long fainel ripot bilang ol na las



GRUP POTO: Ol sios edukesen ejensi opisa wantaim Edukesen Polisi Riviu Teknikel Woking Tim bihain long bung bilang ol long Nesenel Laibreri, Waigani.



SIOS EDUKESAN EJENSI TIM: Sampela memba bilang sios edukesen ejensi tim long bung.

em ol bai kisim i go long Palamen long glasim na tok oraitim long kamap lo.

Joseph Direkoro em Nesenel

Edukesen Seketeri bilang ol Katolik Ejensi skul long PNG i deputi siaman bilang Sios Edukesen Kaunsil i bin makim maus bilang

kaunsil long dispela bung.

Tasol ol narapela memba i bin autim na givim tu ol tingting bilong ol na bung i bin kamap gut.

Bikpela samting ol sios i bin autim em i moabeta long Polisi Rivyu Tim i kisim ol toktok na tingting bilong CEA long ol senis bipo em (Polisi Rivyu Tim) i kamapim fainel ripot na kisim i go long Palamen.

Ol CEA laikim olsem oltaim i mas gat gutpela wok patna namel long CEA na gavman long ol samting i karamapim edukesen bikos ol sios na moa yet, Katolik Sios, i papa long 50 pesen o hap bilang ol skul insait long kantri. Na i mas gat gutpela wokbung na toktok wantaim long ol patna i klia long ol samting na karimaut gut ol wok bilang ol.

Ol sios i laik bai ol toktok na tingting bilong ol tu i mas stap insait long dispela nupela senis gavman i laik kamapim long Edukesen 1983 Ekt.

Dispela Edukesen (1983) Ekt ol i laik glasim na skelim na kamapim senis long en i gat 9-pela pat o hap we i toktok long ol lo we Edukesen insait long kantri i mas bihainim long givim stia long wok bilang ol.

Na Edukesen Dipatmen insait long dispela kantri i wok long bihainim insait long las 32 krismas na bikos plantu senis na ol nupela samting tu i kamap, gavman i lukluk nau long skelim dispela 1983 Edukesen Ekt.

Bikpela kontribusen bilang sios long edukesen

...Senis mas bihainim ol nupela senis long tingting na teknoloji

SIOS em i bikpela patna long Edukesen na ol toktok, tingting na kontribusen bilong ol i gat pawa na strong, Luke Taita em Teknikel ekspet wantaim Edukesen Teknikel Woking tim i lukluk long Edukesen Polisi senis i mekim dispela hap tok.

Las Fraide i bin lukim gutpela bung toktok namel long ol Sios Edukesen Kaunsil memba na Edukesen Teknikel Woking tim i lukluk long Edukesen Polisi senis long Pot Mosbi.

Mista Taita husat i wok longpela taim wantaim Edukesen Dipatmen na i bin holim ol bikpela wok wantaim dipatmen i bin mekim klia olsem dispela polisi riviu i bilong glasim na skelim na kamapim ol senis we

bai lukim olsem kantri i muv fowed bihainim "modern thinking" o tingting i stap long level bilong ol senis i kamap tude na "nupela teknoloji."

PNG i gat 13,000 skul i stat long elemanteri level i go antap long teseri level na moa long tu milien sumatin.

Mista Taita i tok gavman i luksave long bikpela wok na kontribusen bilong ol sios long edukesen insait long dispela kantri, na em i amamas long wok bung wantaim ol (sios) long bildim na divelopim kantri.

Em i tok bipo long 1970, ol sios i bin gat karikulum bilong ol yet na ol gavman skul i bin gat bilong ol yet, tasol long 1970, ol i bin kam aninit long wanpela lo inap nau.

Long 1983, ol i bin glasim, skelim na kamapim senis long pastaim Edukesen Ekt long putim tupela sistem aninit long wanpela Nesenel Edukesen Sistem.

Aninit long dispela, i gat 10,591 skul bot, 22 Provinsal Edukesen Bot na wanpela Nesenel Edukesen Bot.

I kam inap nau, 13-pela provins i gat ol edukesen ekt bilong ol taim 9-pela i no gat yet.

Long dispela bung, ol sios i bin gat 17 poin long givim tingting long ol ripot i stap insait long polisi senis buk.

Ol i no bin amamas tumas olsem no gat gutpela bung toktok i bin kamap wantaim ol bipo tim i wokim ripot, tasol Siaman bilong tim, Joseph Logha na Mista Taita i tokim ol

olsem ol wok i stap long draf yet na ol toktok, tingting na ripot bilong ol sios bai go insait na kamap hap bilang polisi riviu.

Joseph Direkoro em Katolik Nesenel Edukesen Ekting Seketeri na Deputi Siaman bilong Sios Edukesen Ejensi Kaunsil i tok wanem ol senis ol i laik kamapim long edukesen ekt i mas "fea, balens, lukluk i go fowet. Olsem i mas gat wokbung na toktok wantaim bikos ol senis na lo yumi kamapim bai stiaim bihainim taim bilong ol yangpela na ol pikinini bilong yumi."

Narapela poin we ol sios i bin wari long en em no gat inap spes long ol skul i min olsem plantu sumatin na sot long ol klasrum.

Riligen Instraksen i mas kamap hap bilong karikulum ...Bihainim gutpela pasin i bikpela samting

I MOA beta long Rilijes Instraksen (RI) i kamap olsem hap bilong karikulum, plantu lain i bin makim sios edukesen ejensi i bin autim dispela tingting.


Wanpela tisa long Caritas Teknikel na Sekonderi skul long Mosbi i bin tok em i bikpela samting long kamapim ol pikinini na yangpela sumatin i gat gutpela pasin, pasin long tok tru na mekim samting stret.

Em i tok long Caritas, ol i save wokim asesmen long "behaviour" o bihainim o mekim stretpela pasin i karamapim ol eria olsem kam long skul long taim stret na i no leit, "neat dressing" o putim ol klinpela klos, mekim ol homwok, i mas gat gutpela pasin na laik long skul."

Em i tok bihainim gutpela pasin i bikpela samting na Rilijes Instraksen long ol skul i mas stap na kamap hap bilong karikulum.

Em nau! Ol pikinini i ken painim rot i go long ples wantaim Wantok kru...

Sudoku



9	3	8		5				
			9			4	3	6
		6	1	3				
				8	7	1	4	
	7			3			8	
2	8	1	7					
			3	5	9			
8	9	3		7				
			4		3	6	7	



		3	1	9		5		
8				6	3	1		
	1		3					8
	9			2				3
	7			6			8	
5			9					2
7				9		6		
	2	9	8					7
		5		7	4	8		

Ansa bilong Sudoku # 119 na # 120 neks isu

4	1	6	7	9	2	3	5	8
5	8	7	3	4	1	6	2	9
2	3	9	8	6	5	7	1	4
9	4	1	6	8	7	2	3	5
6	7	3	2	5	9	4	8	1
8	2	5	4	1	3	9	7	6
7	6	4	1	2	8	5	9	3
1	9	2	5	3	4	8	6	7
3	5	8	9	7	6	1	4	2

1	6	8	7	4	5	2	9	3
7	4	9	2	3	8	5	6	1
2	3	5	9	6	1	7	4	8
9	5	7	4	1	3	6	8	2
4	1	6	8	2	7	3	5	9
3	8	2	6	5	9	4	1	7
6	9	4	3	8	2	1	7	5
5	7	3	1	9	4	8	2	6
8	2	1	5	7	6	9	3	4


Ansa bilong las wik Sudoku # 117 na # 118



- Ol wod lista hia:*
- GEM
 - PEPES
 - MARUM
 - HUNTERS
 - BANIS
 - CAPRAS
 - EMBASADA
 - AMPAYA
 - ASUA
 - AUT
 - DIFENS
 - DIVISEN
 - FAUL
 - FIL
 - FILDA
 - BLOKIM
 - DRO
 - DROPKIK
 - DROPAUT
 - SKRAM
 - STRAIKA
 - BELO
 - RING
 - BOKSA
 - WELTAWET

C W O O E E R O S E A E N M Z I T N V R
 E Q C O T N W E S N N M T S S H M A V B
 E E A O E N L G D E B A S U A U A X M A
 S T S N M N N U T A A S E R G N R E M A
 C K L X O L R X S T W E I Y E T U E A S
 E E H E C T F Y U N C E R J M E M D B H
 E R H E T T E A E M Z A L N Q R A R O X
 X E X O A N C A D M Y B S T C S C O K U
 O Z R P E E Z P O S H S T Z A L A P S X
 E F N C H T B U A A O G A B Z W A A A I
 R K D O S I S E I T B D M A B D E U U R
 M Q H U O T V D L W Q E M I L E H T L S
 E A E E M S E P R G R S L I O S A U N D
 A N X T P T A X M O H Q F O K K A T G K
 D K G E L Z A R F O J D C D I F E N S G
 W H D A F S E P E P E S R A M M F K A S
 G G R T I O G R S G P D R O P K I K I K
 M M T E O V O T N O M T O M E R L N C R
 I W R R G N D I V I S E N A M P A Y A A
 A E A V L I R N T E G S J A E B B S E M

Ansa bilong Wod Pilai isu 2130





INTENAL REVENIU KOMISIN



TOK SAVE LONG OLGETA PIPEL I SAVE BAIM TAKIS SETIFIKET BILONG BIHAINIM LO BILONG WOK

IRC wantaim nupela kompiuta sistem bilong en, i givim tok orait long wokim ol Setifiket bilong Bihainim Lo Bilong Wok o Setifiket bilong Komplaiens (CoC). Insait long dispela singaut em ol i ken givim auto i CoC long sotpela taim we pinis deit bilong ol bai 31 Julai 2015.

Dispela pinis deit i kam klostu na planti CoC i wok long abrusim taim bilong ol, na IRC i laik mekim samting long ol i no ken abrusim taim bilong pinis insait long dispela taim bilong senis we laik long kisim ol nupela CoC, bai putim presa long IRC. Ol dispela samting long strongim yu em ol i stap long lista daunbilu na ol i wok stat long deit 27 Julai 2015.

Sapos yu holim wanpela CoC wantaim 31 Julai 2015 olsem deit em i pinis lukim daunbilu.

IRC bai wok long CoC aplikesen bilong yu hariap tasol long em i ken kamap gut long taim ol CoC bai pinis long 31 Julai 2015. Mipela bai wokim ol dispela aplikesen bihainim ol namba bilong TIN insait long dispela 5-pela wik stat long 27 Julai 2015. Plis bihainim gut ol dispela tok save bai olgeta lain i ken kisim CoC bilong ol long taim:

- 27 Julai 2015 i go 31 Julai 2015 – TIN 500000001 i go TIN 500072000.
- 3 Ogas 2015 i go 7 Ogas 2015 – TIN 500072001 i go TIN 500144000.
- 10 Ogas 2015 i go 14 Ogas 2015 – TIN 500144001 i go TIN 500216000.
- 17 Ogas 2015 i go 21 Ogas 2015 – TIN 500216001 i go TIN 500288000.
- 24 Ogas 2015 i go 28 Ogas 2015 – TIN 500288001 i go TIN 500360000.

Sapos yu no kamap long stretim aplikesen bilong yu long taim, em bai yu wet inap bihainim long 28 Ogas 2015 long aplai gen long kisim nupela CoC. Sapos yu aplai pastaim long taim bilong yu, IRC bai wokim yet aplikesen bilong yu long ol deit i stap long TIN bilong yu. Long abrusim sampela kain hevi, plis was gut long bihainim ol dispela deit i stap antap.

Bihainim ol dispela deit i stap antap **CoC bilong yu nau em bai stap laip yet inap long taim ol i makim long TIN bilong yu olsem i stap antap. Sapos no gat em olgeta CoC we i stap orait inap 31 Julai 2015 bai pinis long 28 Ogas, 2015.** Plis holim wanpela kopi bilong dispela tok save na givim long ol lain yu gat dinau long en na ol saplaia sapos ol i no bilipim yu.

Sapos yu wanpela nupela bisnis tru (yu rejista wantaim IPA na IRC long Jun na Julai 2015) o yu laik aplai insait long taim bilong senis orait:

Yu mas aplai na kisim wanpela TIN namba we ol i ken mekim long IRC Hetkwota long Pot Mosbi o long wanpela han bilong IRC opis long kantri wantaim TIN aplikesen fom i stap long websait www.irc.gov.pg na putim long wankain sebsait hap tasol o salim wanpela sken piksa bilong aplikesen fom i go long email registration@irc.gov.pg. Taim ol i givim yu wanpela TIN yu ken aplai long wanpela CoC long dispela websait antap taim yu yusim nupela 'Setifiket bilong Bihainim Lo bilong Wok' aplikesen fom we i stap tu long www.irc.gov.pg na sapos yu yusim e-mail wantaim wanpela sken piksa bilong fom i go long compliancecertificate@irc.gov.pg. Yu ken yusim TIN Setifiket bilong yu long statim CoC aplikesen proses.

Opisa bai mekim luksave long ol IRC na IPA rejistresen bilong yu na givim yu CoC we bai stop long wok long Deit ol i soim long Setifiket. IRC i laikim olsem em i ken givim wanpela CoC long ol kaunta bilong mipela sapos man o meri o bisnis bilong baim takis i gat 100 pesen mak bilong bihainim lo bilong wok wantaim ol takis bilong ol.

I no gat 'pas bilong abrusim takis' o 'pas bilong lusim no ken baim takis' o wanpela narapela we bilong Tok save bai i go long husat i askim long kisim. Em i gutpela long save olsem wanpela CoC i no inap mekim narapela wok moa, em long givim tok orait long wanpela NIL toksave long no ken rausim Takis bilong Baim Bisnis. Em i no gat pawa long holim bek ol narapela wok bilong takis olsem ol Salari na Pei Takis.

Ol narapela bikpela samting long luksave long wok bilong CoC i stap insait long Pablik Tok save i go wantaim Setifiket.

IRC KONTEK ADRES

Long kisim moa save long ol dispela rifom, plis toktok wantaim IRC long: Ring long telepon 322 66560/6565
Salim e-mail long compliancecertificate@irc.gov.pg
O go long IRC opis long hap klostu long yu

**Tok orait i kam long Betty Palaso, OBE
Komisina Jeneral – Intenal Reviu Komisin**



Vanuatu lida Edward Natapei i dai

WANPELA bikpela lida bilong Vanuatu, Edward Nipake Natapei i bin dai long dispela wik. Em i bin gat 61 krismas.

Edward Nipake Natapei i bin Lida bilong Oposisen na tu i Presiden bilong Vanuatu a'aku Pati taim em i dai.

ABC Nius ripot i tok em i bin kamap memba bilong palamen long namba wan taim long 1983, em i bin praim minista tupela taim, em i bin deputi praim minista, spika bilong palamen, na foren minista.

Kierry Manassah i bin pres opisa long gavman we Natapei i bin stap insait i go inap long ol senis bilong gavman long mun Jun.

Em i tok Mista Natapei i bin sik long sampela taim pinis tasol em i gohet strong long ol wok bilong en i go inap long em i dai.

Mista Manassah i tok Mista Natapei i bin gutpela lida tru, em i lida bilong daunpasin, em i gat strongpela tingting na gutpela bel long helpim kantri bilong en.

Planti lain i wok long salim tok sori long Vanuatu long taim ol i harim nius long indai bilong Mista Natapei.



Edward Nipake Natapei

Ol 9 pela i lus yet long solwara

OL i no painim yet 9-pela pipel husat i bin lus long solwara long Milen Be provins long dispela mun.

ABC Nius ripot i tok ol disasta atoriti long Milen Be i askim nesenel gavman long kamapim lo bilong olgeta dingi i mas karim ol laip jaket taim ol i ran long solwara.

Steve Tobessa ekting disasta kodineta long Milen Be provins i mekim dispela toktok taim ol i redi long stopim wok bilong painim dispela nainpela pipel husat i lus long solwara namel long Goodenough na Fergusson Ailan.

Dispela nainpela pipel i bin stap namel long 13 pipel husat i i bin stap long wanpela dingi taim ol i bin bungim birua.

Wanpela man i bin dai na ol i bin painim tripela husat i bin stap orait.

Woksop i soim paul pasin bilong CDF mani

OL pipel long ol komyuniti long Solomon Ailan i luksave nau olsem ol i no kisim helpim gut long ol Konstituensi Developmen Fan o CDF em ol memba i givim aut. Transparensi Solomon Ailan i helpim pipel long save moa long CDF mani bilong ol.

Dispela luksave i kamap bihain long Transparensi Solomon Ailan i wok long karim aut ol CDF Asesmen Woksop we bai karamapim 32 konstituensi long kantri.

Kodineta bilong ol woksop, Oscar Watesao i tok dispela wokshop i opim gut ai bilong ol pipel long wanem tru nau wok bilong dispela Konstituensi Developmen Fan.

Em i tok ol pipel i save tokaut olsem ol i lukim olsem planti taim ol memba i save givim ol CDF projek long ol wantok na sapota bilong ol tasol.

Mista Watesao i tok sampela long ol komyuniti nau i kamapim ol komiti bilong glasim gut ol projek na mani bilong CDF.

Em i tok ol i laik long memba i mas toktok stret wantaim ol na em i no ken kontrolim dispela Konstituensi Developmen Fan.

Gutpela mak bilong lo na oda

PNG Polis i askim pipel bilong Pot Mosbi long ol strongim gutpela pasin na stap isi olsem ol i bin soim long taim bilong Pasifik Gems long dispela mun.

NCD Metropolitan Polis Suprintenden Andy Bawa i mekim dispela toktok bihain long ol wari i kamap olsem ol wok sekyuriti long siti bai bagarap gen bihain long Gems i pinis.

Ol polis i bin amamas tru olsem no gat trabel i bin kamap long taim bilong Pasifik Gems na ol pipel wantaim ol etlit bilong ol narapela kantri i bin wanbel long gutpela sekyuriti long Gems.

Nau sampela pipel long siti i askim bilong wanem na Pasifik Gems i bin stop na mekim ol i wari ken long sekyuriti bilong ol.

Mista Bawa i tok Gems i pinis nau na dispela i no mas stopim pasin bilong stap gut. Em i askim olgeta pipel long amamas long kapital siti bilong kantri na stap gut olgeta taim.

Vanuatu i amamasim 35 independens aniveseri

WOKABAUT bilong independens bilong Vanuatu i bin bungim sampela trabel pastaim long em i bin kisim indipedens long Frans na Briten long 1980.

Minista bilong Fainens na Ikonmik Manesmen Willie Jimmy i mekim dispela toktok taim kantri i redi long makim 35 yia bilong independens long Julai 30.

Em i tok ol papa bilong kantri olsem Pater Walter Lini na ol narapela lida i bin laik bai ol pipel i fri long lukautim ol yet na no ken stap aninit long dispela tupela kantri moa.

Tasol sampela pipel i no bin sapotim dispela laik bilong kisim independens, olsem ol pipel bilong Santo husat i bin statim pait bilong bruk lusim Vanuatu.

Arabika kopi bungim hevi long Hailans : Minista

Stanley Nondol i raitim

HEVI bilong klaimet senis i wok long kamapim bikpela hevi long dispela taim na ol arabika kopi long Hailans i bungim hevi. Hailans rijon i wok long pilim ples i hat na dispela senis i bagarapim ol kopi diwai.

Moa long 95 pesen bilong arabika kopi long PNG i save gro long Hailans rijon na i save apim volum bilong kopi PNG save salim i go long wol maket.

Minista bilong Egrikalsa na Laipstok Tommy Tomscoll i tokim palamen long dispela wik olsem 95 pesen bilong arabika kopi i gro long Hailans long mak namel long 13 na 24 digri selsis. Dispela em mak bilong kol ples.

Mista Tomscoll i tokim palamen olsem bikpela senis i kamap na long Hailans ples i no moa kol

namel long 13 na 24 digri selsis.

Minista Tomscoll i tok planti taim ol pablik na ol save lain bilong kopi polisi i save hatim gavman na tok em i no putim inap mani na kamapim gutpela polisi bilong sapotim kopi indastri long gro. Mista Tomscoll i tok ol pipel i mas save olsem hevi bilong klaimet senis i bikpela na ol kopi long Hailans i no inap gro moa olsem bipo.

Mista Tomscoll i tok nau em i taim long putim mani na risos long strongim robusta kopi, sapos PNG i laik lukim kopi i no dai olgeta long hevi bilong klaimet senis.

Robusta kopi i save gro long hat ples long nambis eria. Tasol klaimet i senis na nau bai ol i ken gro gut long Hailans.

Long ol yia go pinis namba bilong kopi PNG i salim long wol maket i pundaun na

planti pipel na ol sampela lida long pablik na long praiwet sekta i singaut long gavman i mas sapotim kopi indastri long gro.

Planti ol kopi plantesin long Hailans i dai pinis na ol faktori i pasim dua na i no moa wok olsem bipo samting olsem 20 yia go pinis.

Mista Tomscoll i tok nau em i rait taim long sapotim ol kopi indastri tasol klaimet senis em wanpela hevi tu na kantri i mas lukluk long planim moa robusta kopi long kisim ples bilong arabika kopi.

Kopi indastri long kantri i stap long mak nogut na klostu kisim bikpela bagarap sapos no gat wanpela samting i kamap long stretim ol faktori, na ol kopi plantesin na ol liklik kopi blok bilong ol fama.

Ripot i soim olsem PNG kopi ekspot long wol maket i pundaun olgeta na kantri i no

gat nem moa long wol nau.

Planti ol bikpela kopi plantesin, kopi blok na ol kopi faktori long Hailans rijon i bagarap. Planti kopi diwai i bilong bipo na ol i lapun na i no moa karim gut.

Ripot i tok PNG i salim wan milien bek kopi i go long ovasis maket tasol dispela em no inap long wol stended.

CIC i no mekim gut wok long helpim ol fama na i wok long sutim tok long gavman i no gat luksave long baset na program bilong em.

Taim dispela politik i kamap, ol kopi diwai i wok long dai long ai bilong ol fama bikos ol i kisim gutpela sapot.

I gat bikpela pret nau olsem kopi indastri long planti hap long kantri bai kisim bagarap long ol yia i kam bihain na singaut long CIC na gavman long lukluk long dispela ol hevi.



Long piksa yu ken lukim ol kopi diwai long Asaro long Isten Hailans. Ol i winim 50 krismas na i lapun pinis.

Ol 11 milien hekta bilong fores i pinis

Stanley Nondol i raitim

PAPUA Niugini i gat 15 milien hekta bilong neturel fores tasol 11 milien hekta em ol kampani i daunim pinis long kisim timba long wokim mani. Planti kampani i katim daun diwai na bagarapim bus long korap pasin.

Minista bilong Fores Douglas Tomuriesa i tokim palamen long taim bilong dibet long polisi bilong klaimet senis olsem kantri lusim 11 milien hekta neturel fores pinis na i gat 4 milien hekta tasol i stap yet olsem na gavman i mas hariap long kamapim polisi na rot bilong banisim fores.

Minista Tomuriesa i tok sapos kantri na gavman i no mekim wanpela samting nau, bai jeneresen bilong bihain taim i kisim taim.

Minista Tomuriesa na ol gavman minista na ol bek-mensa bilong palamen i sapotim Klaimet Senis Bil we Minista bilong Envairomen na Konsevesen John Pundari i kisim go long palamen

na ol i votim kamap lo long 67 vot long Tude dispela wik.

Aninit long nupela klaimet senis lo, em bai banisim ol fores, fiseris, maining na egrikalsa developmen wantaim ol arapela developmen i kamap long neturel risos o graun.

Minista Pundari i tok PNG em namba wan kantri long Pasifik na namba tri kantri long wol long i gat klaimet senis polisi.

Praim Minista Peter O'Neill i tok klaimet senis i kamapim bikpela hevi na Papua Niugini gavman na pipel i wari long hevi i wok long kamap na i go pas long planti wok long sapotim fores na bus. Em i tok PNG bai kamap siaman long wanpela klaimet senis bung long Paris, Frans long mun Desemba.

Mista O'Neill i tok ol pipel na lida i no ken lukluk tumas long mani bai kam inait long nem bilong kabon tred o polisi bilong lukautim bus. Em i tok wok bilong yumi olgeta em long lukautim ol risos bilong yumi.

Memba bilong Chuave,

Wera Mori i tok gavman i mas kamapim ministri bilong klaimet senis. Nau klaimet senis opis i stap aninit long Envairomen na Konsevesen. Mista Mori i tok gavman i mas putim bikpela mani long sapotim hevi bilong klaimet senis.

Minista Tomuriesa i tok gavman i putim tambu long nupela fores o loging bisnis bai no inap kamap na bai putim was long ol kampani stap pinis long ol i mas bihainim lo na no ken bagarapim neturel risos long kisim mani tasol.

Memba biong Abau, Dokta Puka Temu i autim wari olsem ol loging kampani i wok long katim daun olgeta bus long mekim going bisnis long planti yia na dispela i kamapim bikpela hevi.

Praim Minista O'Neill i tokaut olsem long yia 2020 kantri bai putim tambu long salim raun log i go long ol ovasis kantri. Gavman i tok ol bai wokim daunstrim prosesing o faktori bilong wokim ol samting long timba long kantri yet.

Monier i opim K45m invesmen

MONIER Limited i opim nupela grevel na paip plent long mak bilong K45 milien long Sande, ausait long Pot Mosbi.

Praim Minista Peter O'Neill i bin opim dispela nupela plent.

Mista O'Neill i tok Nebiri na Rouna Kwari klostu long Pot Mosbi siti bai kamapim planti wok bilong ol sitisen bilong PNG na apim ikonomi bilong kantri.

Dispela nupela plent bilong Monier i bilong wokim vetikel paip na brukim ol grevel na wesana.

Mista O'Neill i tok tenkyu long Monier Limited na ol patna long i gat bilip long kantri na i wok long mekim ol bikpela invesmen long planti yia i kam nau.

Mista O'Neill i tok bikpela

developmen i wok long kamap long kantri. Em i tok i no ol LNG projek tasol, ol developmen i wok long kamap long planti eria bilong infrastraksa bisnis na ol arapela. Em i tok ol kampani i wok long skruim bisnis bilong ol bikos bisnis bilong ol i wok long gro.

O'Neill i tok ikonomi bilong kantri i gro na i stap long mak bilong 15 pesen na dispela i givim bikpela bilip long ol investa olsem na planti bikpela invesmen i wok long kamap long liklik taim tasol. Em i tok nupela Papua LNG projek na ol arapela developmen bilong maining bai lukim planti bikpela invesmen moa bai kamap.

Praim Minista O'Neill i tok nau em i rait taim long mekim invesmen long kantri

bikos ikonomi i gro na i wok long gro moa yet.

Yumi save olsem ikonomi bilong kantri i kamap orait na ymui i ken lukim bisnis i gro long las 10 o 14 yia ma ikonomi i wok long gro yet.

Em i tok ol bisnis stap pinis long kantri i gro na tu ol kampani long ol arapela kantri tu i opim ai na lukim olsem bikpela sans bilong mekim bisnis i stap long PNG. Em i tok planti ol bisnis haus long ausait i soim bikpela laik long mekim invesmen long planti eria bilong bisnis long PNG.

Mista O'Neill i tok tenkyu long Constantino Group long kamapim moa long 3,000 wok insait long kantri na dispela helpim ol wokman na meri long sapotim famili na helpim long apim ikonomi bilong Papua Niugini.

"Friends"
"Kaibigan"
"Wantoks"

1975

Air Niugini
www.airniugini.com.pg

EXCLUSIVE CARRIER FOR THE 2015 PACIFIC GAMES

PORT Moresby 2015 XV PACIFIC GAMES

TODAY

OTML bai pasim main long sotpela taim

BIKPELA san na ples i drai i bagarapim planti sevis

OK Tedi Maining Limited (OTML) i lukluk long pasim wok long sotpela taim bikos bikipela san na ples i drai, na tu prais bilong ol mineral olsem kopa i kam daun long wol maket.

OTML i tokaut long wanpela midia stetmen olsem bikipela hevi kampani bungim nau em longpela drai sisen long dispela yia i daunim level bilong wara long Flai Riva na i givim taim long ol sevis na saplai ol sip i save karim i go long Flai Riva.

OTML i tok em i lukluk long pasim sampela wok long liklik taim inap level bilong Flai Rivai i kam antap gen. Long dispela taim, kampani i toksave tu long ol wokman meri bilong maining long salim ol pikinini bilong ol i go long ol narapela skul long kantri. Planti wokman bai go na liklik lain tasol bai lukautim ples long dispela taim nogut.

Ok Tedi em maining kampani bilong gavman na i mekim wok bilong open pit maining bilong gol, kopa na silva long Star Maunten long Tabubil, Westen provins.

Dispela hevi i givim taim long kisim disil saplai bilong mekim ol wok bilong OK Tedi Mining. Na em i givim taim tu long sip i karim kaikai saplai.

Dispela hevi i mekim hat tu long OTML i salim kopa i kam long Pot Mosbi na i putim mani bilong kampani long mak nogut. Kampani i tok dispela hevi em bikipela bikos em i nidim mani long operesen bilong maining.

Dispela hevi tu i lukim OK Menga pawa stesin i bungim hevi bikos em i nidim wara long haidro pawa stesin long givim pawa saplai long Tabubil taun na wok operesen bilong OTML. Olsem na pawa i go daun long Tabubil na Kiunga long dispela taim.

OTML i tok dispela hevi em i wankain olsem mak bilong 1997/1998 we bikipela drai sisen i kamap na operesen i bin pas inap 6-pela mun.

OTML i stat long rausim sampela wokman long Tabubil. Ol wokman olsem ol kontrakta wankain ol famili bilong ol i kisim tok



OK Tedi Mining long Tabubil, Westen Provins. Poto i kam long OTDF anuel ripot bilong 2014.

save na planti bai lusim maining eria taim kampani i mekim fainel disisen. Ol liklik lain tasol long mentenens na sekyuriti bai lukautim eria.

OTML i tok kampani bai rausim 30 pesen bilong ol ausait wokman na 15 pesen lokal.

OTML i tok dispela hevi em bai kamap long gutpela bilong kampani long sanap strong long taim prais bilong gol na kopa i pun-daun long wol maket.

OTML i tok ol toktok i kamap yet long dispela hevi na lukluk long pasim wok long liklik taim

tasol na kampani singaut long ol kastoma na ol komyuniti long wok bung wantaim long dispela taim nogut.

Westen Provinsal edministresen na OTML i wok wantaim long lukluk long hevi bilong ol imejensi.

OTML i tok menesmen i lukluk long kamapim gutpela rot long mekim sampela senis long wokfos na komyuniti. Kampani i na lukluk long kamapim gutpela operesen taim maining i stat gen bihain long wara level i kam antap gen.

BSP i tok laukaut long giaman SMS

BANK South Pacific (BSP) i tok save long ol kastoma bilong benk long laukaut long ol giaman teks mesej (SMS) i wok long raun long sampela mobail fon olsem ol kastoma i winim prais mani aninit long promosen bilong BSP.

Las wik sampela SMS i bai kamap long mobail fon na i tok olsem yu winim K150,000 long BSP mobail benking promosen.

Sif Eksektiv Opisa (CEO) bilong BSP, Robin Fleming i tok dispela em ol giaman toktok. Em

i tok husat yu kisim ol kain SMS long mobail fon i no ken bekim na givim pesonel Infomesen. Em i tok BSP i no gat promosen bilong mobail benking long dispela taim.

Long wankain taim, BSP Pablik Rilesen Dipatmen i salim dispela tok save i go aut long ol kastoma olsem ol sampela SMS bai kamap olsem tru em BSP salim tasol i tok benk i no ranim wanpela kain promosen bilong winim kes mani na ol SMS i bilong benk. BSP i tok em i no ranim wan-

pela promosen long dispela taim. Na benk i no save salim SMS i go long ol mobail fon long ol prais mani bilong promosen.

BSP i tok sapos wanpela kastoma i kisim sampela tok save long SMS long mobail fon, no ken teks bek long namba i salim i kam.

Sapos wanpela kastoma i kisim giaman teks long mobail fon, em i ken salim email i go long benk long adreshoax@bsp.com.pg o ringim benk long 3201212 o 70301212 na benk i ken mekim wok painim long dispela.



INVESTMENT TOKTOK wantaim DR. STEPHEN NASH

Wanem samting i save mekim senis long wok bilong invesmen bilong Nambawan Super, Part 2 o Namba 2 hap: Ol Bond

Sapos yu gat sampela askim, plis salim i kam long toktoksuper@nambawan-super.com.pg na mipela bai bekim.

Ol bond em wanpela kain sekyuriti bilong ol dinau mani, na ol i olsem tok promis; namel long man husat i kisim dinau, o man i givim mani, na man husat i givim dinau mani, o investa, we man i kisim dinau i tok orait long bekim bek dispela mani i go long investa long wanpela deit tupela i makim na wanbel long en. Dispela deit em ol i kolim long bond maket olsem em deit bilong bond i mau o redi.

I gat ol kain, kain sekyuriti bilong dinau i stap na insait long PNG bikipela tru em ol Treseri Bil, em i bilong redi hariap, na ol stok gavman i makim, bilong stap longpela taim long redi.

Em i bikipela samting long yu mas klia gut long ol birua i stap wantaim ol kain, kain invesmen na wanem kain wei em i save senisim ol bekim bilong ol mani. Wanpela birua em i save kamap planti taim long investim long ol bond em olsem:

Mak bilong win mani, taim maket mak bilong win mani i go antap, prais bilong bond i save pundaun, na narapela sait tu em i tru. Ol bond we i kisim longpela taim long redi i save gat moa sans long painim bagarap, moa long ol dispela bond i gat sotpela taim long redi,

Hevi bilong inflesen, wanem hap win mani bilong invesmen bilong yu i no go gut wantaim inflesen. Sapos bond bilong yu i stap go longpela taim, em i opim dua long hevi bilong inflesen long bagarapim win mani bilong bond bilong yu, bihain long inflesen, na

Hevi bilong givim kredit, taim yu tingim hevi bai bungim mani bilong givim aut kredit. Kain olsem, sapos wanpela man bilong givim aut kredit mani i painim hat long kamapim mani, em hevi bilong kredit i save go antap, na maket bilong mani save kisim bikipela moa profit long man husat i dinau long mani. Em i wankain long narapela sait tu.

Bikipela tingting em, mani i kamap long ol bond em i kam long:

Mama mani mekim mani/mani lus long bond, taim maket intres reit i save senis na hap bilong dispela senis long intres reit em i go wantaim arere mak bilong kredit, we ol lain i givim mani long maket mani i save putim antap long husat i kisim dinau mani, na

Intres o mani i kamap long bond insait long dispela taim ol i makim.

Ol bond i kamap olsem aset bilong banis bikos ol prais bilong ol i save go antap wantaim intres reit long bihainim ol developmen bilong ikonomi na olgeta narapela samting i stap long wankain mak tasol. Kain olsem, sapos ikonomi em i slek, ol intres reit i save go daun olsem long helpim ikonomi long kisim strong gen, na ol prais bilong bond i save go antap, bihainim mak bilong bikipela maket i go daun wantaim ol intres reit, olgeta narapela samting i stap wankain tasol. Em i tru long narapela sait tu.

Piksa 1 i soim daunbilo, ol bond i gat liklik sans long painim hevi, na ol kisim liklik win mani, bikos NSL em i wanpela investa we i save was gut na i save tumas long we bilong lukautim mani, na wok bilong ol bond insait long potfolio i stap namba wan yet long kamapim senis long wanem kain birua i kamap long NSL potfolio, olsem na wantaim sampela narapela as tingting, NSL i save holim yet ples antap long ol bond insait long olgeta potfolio bilong en.




Figure 1, Source NSL

Bikipela samting em, wok bilong investim mani em i gat ol hevi bilong en, wankain long em i gutpela long bringim bek bikipela intres o win mani, maski ol hevi bilong en i no save kamap ples klia tumas.

Bikipela, gutpela, seif, strongpela na i Namba 1 yet.



Long kamap Nambawan pren bilong yu na famili; halivim, strongim na lukautim moni gaden bilong yu nau na bihain.

BIGGER, BETTER, SAFER, STRONGER AND STILL NUMBER 1

Lotu kamapim Gutpela susa poro

Nicky Bernard i raitim

PASIFIK Gem i no kamapim ol poro long pilai graun tasol, no gat. Em i kamapim tu poro pasin ausait namel long ol lain pablik insait long Mosbi.

Pasin bilong yumi ol Melanesia long lukautim ol manmeri long ol narapela kantri na tu long yumi ol Melanesia yet em i namba wan tru.

Tupela yangpela meri i bin bung long taim Pasifik Gem i kamap. Wapela i hap Manus na Sentral na narapela em yangpela meri Vanuatu. Tupela i bin bung long namba tu wik bilong Pasifik Gem na long dispela wapela wik tupela i kamap olsem susa stret.

Kimberly Bernard em i hapkas meri Manus na Sentral. Na Christina em meri Vanuatu. Kimberly i bin bihainim mama bilong em go lotu long Waigani Yunaitet Sios long Sande. Long dispela taim em namba wan wiken bilong gem i go pinis. Long haus lotu ol Vanuatu lain bin go lotu tu long dispela Sande.

Taim lotu i pinis ol sios i mekim liklik kaikai long tok tenkyu long ol Vanuatu lain long lotu wantaim ol. Long dispela taim, tupela yangpela meri i statim poro bilong tupela.

Kimberly i askim Christina sapos em ken kisim piksa wantaim em na liklik kandre man bilong em.

Christina i wanbel tasol na kisim poto wantaim Kimberly na famili bilong em.

Christina i bin stap insait long hoki tim bilong tim Vanuatu long kam pilai long Pasifik Gem. Stat long dispela taim, poro bilong em na Kimberly i stat.

Stat long dispela taim, Kimberly i save go long Sir John Guise Stadium long lukim susa bilong em Chistina i pilai.

Dispela wanpela wik i lukim tupela kamap olsem susa stret bilong wanpela papa na mama. Kimberly bai painim liklik toea long baim liklik kaikai long karim i go long gem long lukim susa bilong em Christina i pilai na bai tupela kaikai wantaim.

Long fainel bilong hoki, Kimberly i bin kisim tupela liklik brata na susa bilong em long helpim em sapotim susa bilong ol Christina. Sapot bilong ol i no strong tumas na tim bilong susa bilong ol tim Vanuatu i bin go daun long Fiji na PNG tasol ol i bin kisim brons medol long kamap namba tri ples.

Wari kilim ol tripela taim ol lukim susa bilong ol Christina i pinis pilai na kam bungim ol tripela. Ol holim pasim Christina na tokim em, bikpela samting yu kisim wanpela medol na bai yu karim i go bek long Vanuatu.

Ol i bung wantaim na raun insait long stedium long wetim presenten

sen bilong medol.

Christina i tokim tripela long stap wantaim em inap ol i pasim Pasifik Gem long nait.

Christina i tokim tripela olsem. "Yupela i kamap olsem famili bilong mi stret, na mi pilim olsem mi stap long Vanuatu ya," Christina i tok.

Ol tripela i stap inap long nait na ol i go bek insait long lukim ol pilai manmeri long pasim Pasifik Gem. Ol i bin pasim tok pinis wantaim susa bilong ol olsem sapos ol i no bungim em long nait, moning bai ol i kam kisim em i go long haus long mekim liklik kaikai wantaim em bipo em i kalap long balus.

Dispela pasim toktok bilong ol kamap tru long susa bilong ol wantaim ol pilai manmeri stap nemel stret long pilai graun na hat long lukim na painim susa bilong ol.

Long bik moning tripela i kisim bas long Gerehu na go long yunivesiti long painim susa bilong ol. Tasol taim bilong ol i sot.

Ol i kisim susa bilong ol Christina na ol kisim i go long haus bilong ol long Gerehu. Christina i bungim mama bilong Kimberly long wanem ol bung tasol long haus lotu.

Papa bilong Kimberly em poto man bilong *Wantok Nius Pepa* na Kimberly na Christina bin bungim em taim em wok long raun kisim piksa bilong ol pilai long Sir John Guise Stadium.

Christina i tokim mama bilong em bilong PNG olsem Kimberly, Terryanna na Rexford i



Christina, karim liklik bebi brata bilong Kimberly wantaim ol wanpilai bilong em bihain long lotu long Waigani Yunitet Sios. Poto: Kimberly Bernard.

kamap olsem brata susa bilong em stret na em i no laik dispela brata susa pasin long ol bai pinis. Em i tok em bai raun kam sampela taim long lukim ol gen, na sapos em i orait em bai kisim Kimberly i go raun tu long Vanuatu long lukim papa mama long Vanuatu.

Ol tripela i lukim taim na kisim Christina i go bek long yunivesiti long redi long kisim balus long Sande apinun. Kimberly i givim wanpela t siot long Christina, Rexford i givim wanpela kauboi hat long Christina na tokim olsem. "Kisim dispela kauboi hat na givim long papa. Tokim em olsem liklik brata bilong mi long PNG i givim long yu" Rexford i tok.

Christina i kisim na tokim Rex-

ford, "Papa bilong yu long Vanuatu em i wanpela sif na em bai no inap lus ting long hat yu givim."

Taim i kamap na Christina i tok em mas go na redi wantaim ol tim Vanuatu.

Christina i holim pasim olgeta na sekan long ol. Las em kam long susa bilong em Kimberly na holim pasim em na krai na tokim Kimberly long holim strong susa inap em kam bek na painim em long PNG.

Kimberly i stap wantaim wari klostu wanpela wik olgeta. Long Fonde nait Christina i ringim em na tupela i stori longpela taim liklik. Dispela i pinisim wari bilong Kimberly long wanem, tupela ken ring i go kam nau.



Kimberly long namel wantaim Christina long lep han na liklik susa bilong Christina bihain long tupela winim brons medol long Hoki. Kimberly save go ful taim sapot sapos tim Vanuatu pilai.



LAS BUNG: Christina i kam tok gut bai long ol PNG famili bilong em. Long fran em mama PNG bilong em Hauda, Christina wantaim bebi Lahui, ol susa Kimberly, Elly, liklik Terryanna, Tina na wanpela brata bilong ol Junia Rexford Tony Bernard. Poto Nicky Bernard.



Ramu NiCo kamapim bikpela kakao neseri long Lalok na Bom

OL MAN long ples Lalok long Astrolabe Be lokal level gavman eria long Raikos distrik, Madang provins i soim gutpela pasin bilong wok-bung na lukim wok i kamap long taim na mak bilong en stret.

Ramu NiCo Komyuniti Afes dipatmen agrikalsa supavaisa, Allan Wahwah i tokaut long amamas bilong em long Tunde dispela wik taim em i lukim gutpela wok-bung ol komyuniti long Lalok i wokim long sanapim tupela kakao neseri long ples bilong ol.

Dispela tupela kakao neseri em Ramu NiCo Menesmen (MCC) aninit long Komyuniti Afes Agrikalsa seksen i kamapim long helpim ol manmeri na ol famas long ples Lalok na Bom bihain long wara i bagarapim gaden kaikai na ol kes-krop bilong ol sampela taim i go pinis.

Ramu NiCo (MCC) i luksave long nid bilong komyuniti na Komyuniti Afes dipatmen bilong en i kamapim wanpela wok tim, we i lukim Projek supavaisa em Aldam Bande i go pas long en wantaim ol fil ekstensen opisa i wok wantaim em olsem Daniel Abuta, Seth Win, Samuel Masawa, Kiliai Sapom na Munia Lulug na tu gutpela komyuniti sapot bilong ol gutpela pipel long ples Lalok na Bom.

Long Mande dispela wik, ol lain bilong Agrikalsa seksen bilong Ramu NiCo i bringim ol tuls na samting bilong wok i go long ples Lalok na wokim kemp long Lalok namba 4. Neks de long Tunde wok i stat long moning taim stret we i lukim ol man bilong ples i wok bung na bringim ol samting bilong wok na ol tuls long Lalok namba 4 ples.

Ol i wok sampela taim na ol tim bilong Ramu NiCo i go kamap na stap long putim mak na redim ol ples bilong sanapim ol neseri.

Wankain stori tu i kamap long ples Raiga, em wanpela hap brens o liklik ples insait long Lalok yet we i stap hapsait long bikpela riva. Ol lain man long hap tu i smat tru long wok na sapotim ol yet na bringim ol diwai na rop na tu mambu i go long sanapim neseri.

Ol man long ples i amamas long wok bikos ol i tok kakao bai helpim

ol gut bihain, na ol i save olsem bihain long wok bilong maining i pinis, ol pipel na tu ol pikinini bilong ollong bihain taim bai go bek gen long egrikalsa. Olsem na nau em taim long strongim wok bilong egrikalsa bikos em bun tru bilong PNG long bipo yet i kam.

Mista Wahwah i tokaut olsem dispela kakao neseri program bai ron insait long tupela yia na bai kamapim 40,000 sidlings kakao we i ken abrusim sik blong kakao em kakao pod bora (CPB).

Aninit long dispela program tupela neseri bai sanap long Lalok, na ol bai stap long namel o sentral ples, na dispela em long Lalok namba 4 na long Raiga.

Tupela arapela kakao neseri bai sanap long ples Bom.

Mista Wahwah i tokaut tu olsem ol famas long ples bai kisim ol skul na tu kisim ol helpim long ol save-man long wok bilong kakao. Sampela long ol dispela lain saveman e mol lain Ramu NiCo bai kisim i kam long PNG Kakao Kokonas Institiut (CCI) we nau em Egrikalsa Dipatmen i pinisim wok bilong ol.

Em i tokaut tu olsem ol lain fama long ples long ol yia i kam bihain bai kisim gutpela helpim na sapot i kam long kakao neseri na dispela bai bringim mani long ol liklik man long ples.

Wanpela mausman long Lalok namba 4, Rokus Lako i tok em i amamas long dispela nupela neseri wok i kamap bikos ol nupela klon kakao bai stap long dispela neseri na em bai helpim ol fama long ples.

Narapela fama Mileng Awak tu i tok olsem em i amamas nau olsem Ramu NiCo i bringim kain gutpela helpim i go long ol lain long ples long sapotim sindaun bilong ol long sait long egrikalsa developmen.

Wanpela wimen lida, Ruth Sam, i tok tu olsem em i amamas olsem neseri wok i kirap long eria bilong ol bikos em tu tingting long sanapim wanpela fementri long eria bilong em. Olsem na taim ol pipel i gat moa kakao ol i ken bringim long fementri bilong em.

Dispela wok bilong kakao neseri i promotim tu het-tok bilong Ramu NiCo em 'Wanpela Ramu NiCo, Wanpela Komyuniti'

Ramu NiCo CA Agrikalsa tim bringim ol tuls blong wok i go long Lalok namba 4 ples.



Neseri wok long ples Raigai tu kirap gut stret.



Ol lain man long Lalok namba 4 soim gutpela pasin long wokbung na kirapim wok.



Neseri haus long Lalok namba 4 sanap pinis.



Ramu NiCo Management (MCC) Ltd,
the manager of Ramu NiCo Project is proud to host the 5th
NATIONAL MINING EMERGENCY RESPONSE CHALLENGE
in Madang

Date: August 22-25, 2015
Venue: DWU & PNG Maritime College



Rotsait praim abus stail stret long Madang

James G. Kila | Raitim

SAPOS nau yu raun i go olsem long Madang arere long raunwara na bris i go olsem long naispela Madang Risot Hotel, yu ken smelim naispela smel i kam long nus bilong yu olsem kaikai o abus i stap antap long hot-pela ain o BBQ.

Dispela ol smel i kam long BBQ ain long Rotary Pak arere long raun wara. Pastaim deputi taun meya bilong Madang taun, Chris Tomongo bai sanap na welkamim yu long go traim ol abus na banana na ol arapela kaikai antap long BBQ. Brata ya i gat naispela Tok Pisin na pasin bilong welkamlong ol nupela

pes na mekim ol i wok-about wantaim bel isi na amamas taim ol i kamap long hap.

Mista Tomongo wantaim ol lain komyuniti long Kalibobo i save go pas long klinim eria na welkam long ol lain i go long malolo na kisim win na baim ol naispela kaikai na kol dring. Na tu, malolo na lukim ol moto bot i seil i go insait long liklik basis bilong raun wara bilong Madang taun. Dispela em stail bilong Madang stret.


Dispela liklik maket arere long Madang Risot rot i go olsem long Kalibobo we ol mama blong rurel eria i save go salim ol pres gaden kaikai long ol pipel bilong Madang taun bikos wok

divelopmen i go het long nupela Madang taun pres kaikai na fiseris maket. Dispela projek em gavman bilong Japan aninit long Japanis Intanesenel Koporesen Ejensi (JICA) i putim K26 milien long kamapim long divelopmen bilong Madang maket.

Mista Tomongo i tok planti ol rural mama husat nau i save go salim kaikai long liklik maket arere long Rotary Pak em bikos ol i pret long go maket long Mildas. Dispela em bikos ol i tok planti spakman na ol drag bodi i save stil long ol. Olsem na nau ol i save go salim kaikai long dispela liklik stail maket arere long raun wara long Rotary Pak.



Chris Tomongo, Thadius Saith wantaim Junior Kopi i salim lewa bilong sipsip wantaim ol arapela abus na kaikai long sevim ol wokman na ol lain i go olsem long rotsait maket arere long Madang Risot. *Poto: James G. Kila*



Lokal Fama long KBK Bai Kisim Mani long Salim Fres Kumu

Ol rural fama long KBK redim ol fres kumu long gaden.

OL RUREL famas long Kurumbukari bai kisim gutpela mani nau taim ol i salim ol fres gaden kaikai na kumu i go long NCS-Raibus Limited catering sevises haus kuk. Olgeta de NCS-Raibus Limited save givim moa long 1,320 plet kaikai long ol wokman meri bilong Ramu NiCo KBK Main na dispela em bikipela namba tru na i gat nid long moa fres gaden kaikai na kumu we ol papagraun i mas groim na salim i go long ol.

Manus na Mussau baiodaivesiti sevei buk i kamaut

Buk, 'A Rapid Biodiversity Survey of Papua New Guinea's Manus and Mussau Islands' i kamaut



Stori i kam long WCS PNG Media

I GAT 13 nupela samting bilong bus i stap long Manus na Mussau ailan nau i stap insait long wanpela buk we Wildlife Konsevesen Sosaiti i putim aut.

Dispela buk, taitel bilong em, 'A Rapid Biodiversity Survey of Papua New Guinea's Manus and Mussau Islands', i gat stori na ol poto bilong ol wok painimaut bilong WCS long 2014 insait long Manus na Mussau Ailan.

WCS i bin soim aut dispela buk long ol opisa na ol stekholda long Kavieng, Nu Ailan Provins. Dispela buk i gat 85 pes na em i gat stori na poto bilong 440 ol samting bilong bus i stap insait, we 13 bilong ol em ol i nupela stret long kamaut long pablik.

Namel long ol nupela samting bilong bus em i gat 4-pela rokok, wanpela traipela geko, 6-pela plawa na diwai, wanpela damselflai na wanpela prut blak bokis.

Ol i painim ol dispela

long Manus Ailan we ol i bin holim pas wanpela blak bokis i gat bikipela gras, we ol lain long ailan i no bin lukim long bipo yet i kam inap nau.

Mussau Ailan, em i wanpela bilong ol bikipela ailan bilong PNG tasol planti lain bai i no save long en, em i gat sampela samting we bai yu kirap no gut long en olsem ol nupela kain rokok, blak bokis, palai na ol bus diwai samting.

Man i go pas long wokabout long painim ol nupela samting em Nathan Whitmore husat i tok olsem bikipela luksave bilong dispela buk em olsem em i putim long rekot ol nupela samting long ailan na stori bilong ol bai stap bilong longpela taim.

"Sori tru olsem ol laip i stap insait long ol bus bilong PNnG em i no gat rekot long ol buk. Planti taim ol enimol na ol bus diwai i save pinis nating na ol pipel bihain i no save tingim ol moa," Mista Whitmore i tok.

"Dispela buk em i givim

sans long yumi long rekodim gut ol dispela nupela samting yumi painim nau," em i tok.

Whitmore i tok olsem wok bilong WCS em bilong lukautim ol bus, na enimol na ol i mas wok wantaim ol komyuniti na ol stekholda bilong Manus na Mussau long was gut olsem laip bilong bus bilong ailan bai i stap laip tru yet long bihain taim, na i no ken stap olsem piksa tasol long wanpela buk.

Samting insait long dispela buk i soim yumi olsem, ating i gat sampela moa nupela samting i stap aninit long ol dispela enimol na plawa diwai ol i painim nau we saiens i no painimaut yet. Kain olsem dispela tupela blak bokis long Mussau we ol i mas mekim moa wok painimaut long tok olsem em i tru.

Yu ken kisim fri kopi bilong dispela buk, "A Rapid Biodiversity Survey of Papua New Guinea's Manus and Mussau Islands" long websait adres; www.wcpsng.org



Nupela kain karuka long Mussau *Poto: Fanie Venter*



Nupela kain rokok i no gat nem i stap long Manus. *Poto: Stephen J*

SP Hunters kilim ol Falcons Parkop i sapotim Toua

Michael Novingu i raitim

SP HUNTERS i kilim ol Sunshine Coast Falcons na planim ol long Kalabon matmat long Kokopo long Kwinslen Intras Supa Kap Kompetisen raun 19 long las wik Sande wantaim skoa 24-20.

Long namba wan hap bilong gem bilong ol na long 29 minit, Kepten Israel Eliab i bin kisim wanpela gutplea bal i kam long Ase Boas na em i brukim banis bilong ol Falcons na givim bal long Andex Wera i givim siksti go skoim namba wan trai bilong ol Hunters na skoa i sanap 4.0. Noel Zemming i kik go insait na kisim skoa go long 6.0.

Bihain long 35minit, Noel Zemming i kisim wanpela lus bal ol Falcons i pundaunim na givim long Kato Ottio husat i brukim banis bilong ol Falcons na em i skoim namba tu trai bilong ol na kisim skoa i go 10.0. Noel Zemming i kik i go insait na skoa i sanap 12.0.

Dispela i no stopim ol Falcons long skoim trai na long 37 minit, ol i mekim strongpela pilai i go daun long hap bilong ol Hunters na kepten Rayan Hensen i kisim bal na givim i go long Paul Ivan na

em i skoim namba wan trai bilong ol na kisim skoa i go 12.4. Kurt Mann i kik na i no go insait i lukim skoa i sanap 12.4.

Long dispela, ol Hunters i no pilai gut. Ol i mekim planti asua long pundaunim bal na oli lusim planti sans bilong ol long skoim trai inap long hap taim.

Bihain long hap taim long 45minit, Paul Ivan i kisim bal na brukim banis bilong ol Hunters we Israel Eliab i putim was long en. Em i skoim namba tu trai bilong ol we i kisim skoa i go 12.8. Kurt Mann i kik na i no go insait i lukim skoa snap olsem 12.8.

Insait long 50 minit, Esau Siune kisim bal wokim strongpela ran brukim banis bilong ol Falcons na i givim bal long Ase Boas husat i givim siksti long 40 mita mak na ol Falcons i stopim em. Puara Wartovo junia i kisim bal mekim sait step, abrusim ol pilaias bilong Falcons na givim bal i go long Andex Wera. Em i skoim trai na kisim skoa i go 16.8. Noel Zemming i kik go insait na skoa snap olsem 18.8.

Long namba 70 minit, Wartovo Puara junia i kisim bal na ran abrusim ol pilaiman bilong Falcons na

givim bal long Henry Wan husat i brukim banis bilong ol Falcons na skoim trai na kisim skoa go 22.8. Noel Zemming i kik go insait na kisim skoa go 24.8.

Dispela i no stopim ol Falcons long skoim trai na long 75 minit, Paul Ivan i bin kisim bal, brukim banis we Noel Zemming i putim was long en na em i skoim trai na kisim skoa i 24.12. Rayan Hansen i bin kik go insait na skoa go 24.14.

Na long 78minit, ol Falcons i kam bek wantaim strongpela pilai na brukim banis bilong ol Hunters. Paul Ivan i bin kisim bal na ran abrusim Hunters pilai na givim bal long winga Rowen Klen na em skoim trai. Dispela i kisim skoa i go long 24.18. Rayan Hansen i kik go insait na skoa sanap 24.20 na belo bilong pilai i singaut na Hunters i winim gem bilong ol.

Kosa bilong Hunters, Michael Marum, i tok ol mangi bilong em i no putim strongpela was long banisim ol Falcons i lukim ol i putim ol isi trai.

Marum i tok em i amamas long ol mangi bilong em i mekim gutpela pilai na ol i winim gem bilong ol.

Namba tu win bilong Isapea

Philemon Tame i raitim

WIN bilong Gulf Isapea long las wik Sande i makim namba tu win bilong em long 2015 Digicel Kap sisen.

Isapea i daunim Waghi Tumbe wantaim 10-6 poin long Mari Bareks pilai graun long raun namba 14.

Ol Tumbe i gat strongpela tingting long winim dispela gem olsem ol i winim ol Pot Mosbi Vipers long narapela wik i go pinis, tasol ol i no win.

Pul bek bilong Isapea i putim namba wan trai klostu long 10-pela minit bipo long bungim hap taim.

Skoa i sanap olsem 4-0 long haptaim we Isapea i no bin putim konvesen kik i go insait long skruim poin i go antap long 6.

Winga bilong Gulf tim i putim namba tu trai we konvesen kik tu i go insait i bringim poin i

go antap long 10 na tim Jiwaka i no puti wanpela skoa yet long kwata taim.

Long wankain taim, Winga bilong Tumbe i putim wanpela trai wantaim hapbek i putim konvesen i go insait i lusim 0 poin i kam antap long 6.


Ailans tim i kisim strong taim ol i putim trai na i pait hat long putim wanpela moa trai tasol taim i no larim ol long skruim poin bilong ol.

Long wankain taim, tupela Hailans tim, Goroka Lahanis na Hela Wigmen, i bin pilai long Goroka.

Pilai bilong tupela i kamap strong we tupela i kisim ol wankain poin long stat bilong gem na i go long pinis bilong en.

Skoa i bin sanap olsem 22-22 taim wanpela minit i wet yet long bungim pul taim.

Hap bek bilong lahanis i kisim wanpela pil gol i bin skruim poin bilong ol i go antap long 23 taim ful taim belo i krai stret.



Dika Toua na ol memba bilong em long Hanuabada viles i kisim nupela weiltifting ikwipmen we NCD Gavana Powes Parkop i givim long las wik Sande.

GAVANA bilong Nesenel Kapital Distrik (NCD), Powes Parkop, i helpim sempion weiltifting, Dika Toua, na i givim weiltifting ikwipmen bilong trening long en.

Parkop i givim ol dispela ikwipmen long las wik Sande long Ela nambis, aninit long Wok bilong Laif (WFL) program we planti memba bilong WLF i stap long dispela taim.

Pe bilong ol ikwipmen em K34, 991.

Gavana i tok, "Mi givim ol ikwipmen, long tok tenkyu na strongim sempion weiltifting na sapotim em long trening bilong em na i redi long pilai long ol narapela rijinol na intenesenel pilai bai kamap long bihain taim."

"Mi gat bikpela amamas bikos bikpela wok Toua i mekim long sanapim dispela nesen na amamasim ol pipel bilong yumi long viles Hanuabada, insait long siti na olgeta hap long kantri.

"Mi tok tenkyu tu long em i save makim kantri bilong yumi na i save winim planti gol medol long ol bikpela pilai olsem Pasifik na Komonwel Gems." Parkop i tok.

Toua i tok tenkyu long gavana na i tok, "Ol ikwipmen bai helpim mi long trening bilong mi na tu, mi bai yusim long trenim ol narapela yangpela Papua Niuginin bai kamap bihain."

Gavana i givim ol ikwipmen long gutpela taim stret

bikos Toua i bin setim wanpela weiltifting klap, em i kolim "Loa Dika Toua" (LDT), long Hanuabada viles.

Planti ol skul sumatin i bin givim nem pinis long tren long dispela klap.

Gavana i tok moa long em bai sanapim wanpela jim bilong em long sapotim nupela klap bilong em na i tokim ol WFI memba husat i gat laik i ken joinim dispela klap.

Nau Toua i redi long go pilai long 2018 Komonwel Gems long Gol Kos long Australia.

Na tu, em i tren strong long em bai go long weiltifting sempions long Brisbane na Yunaitet Stet long kwalifai na go insait long 2016 Olimpik Gems long Rio.

Tripela pilaia bai pilai long Sauten Jon

TRIPLELA namba wan pilaia long Morata Swans ragbi klap long Pot Mosbi Sabeben ragbi lig em ol i bin makim pinis long pilai long Sauten Jon Grin na Gol tim insait long jon trai pilai bai kamap long Daru, Westen provins.

Ol pilaia husat ol i bin selektim o makim ol em Alois Alex i gat 21 krismas bilong Kompaim long Enga, Jerry Teme i gat 19 krismas bilong Erave long Sauten Hailans na Tai

Michael i gat 23 krismas bilong Wabag long Enga.

Alex i save pilai lok taim Teme i save pilai hap bek na Michael i save pilai huka bilong Swans long 5-pela yia nau.

Alex na Teme bai pilai long Tim Grin na Michael bai pilai long Tim Gol long ol Mosbi Tim bai go pilai long Sauten Jon we Daru bai hostim o lukautim long Ogas 24, long dispela yia.

Michael i tok, "Mi amams

long tripela pilaia olgeta long Morata Swans i go insait long seleksen bilong Sauten Jon.

"Mipela bai no inap promis tasol, mipela i ting olsem mipela bai mekim gut long taim bilong pilai."

Ol tripela pilaia i bin pilai gut long las wik Sarere long raun namba 17 gem long Kone Tigers pilai graun, na Morata Swans i bin winim dispela gem wantaim 16-6 egensim K-Rats.

SP Hunters: tupela gem tasol long PNG

PAPUA Niugini SP Hunters i gat tupela gem tasol i stap yet long pilai long PNG long Intras Supa Kap.

Tupela gem wantaim ol bai pilai long Pot Mosbi long BSP Stadium we pastaim ol i bin kolim Sir John Guise Stadium.

Namba wan gem ol Hunters bai pilai long PNG em bai raun namba 23 we ol bai egensim Wynnum Manly Seagulls long Sande long Ogas 16.

Namba tu gem long PNG em ol bai egensim Burleigh Bears long tupela wik bihain na em bai raun namba 25.

Tupela gem wantaim ol bai statim long wankain taim long hap pas 2 long apinun.

Kosa bilong SP Hunters, Michael Marum, i no senisim ol pilaia long raun 21 long dispela wik Sande.

Ol wankain pilaia husat i bin pilai long las wik Sande bai pilai gen, egensim ol Easts Tigers long Kalabond pilai graun long Kokopo.

Easts Tigers na Blackhawks strong tumas long salens.

Hunters i gat sampela asua wantaim Easts long raun namba 3, tasol Tigers i win long dispela taim.

Ol pilaia husat bai pilai long ful SP Hunters tim long Sande em;

- 1 Stargroth Amean
- 2 Bland Abavu
- 3 Noel Zeming

- 4 Lawrence Tu'u
- 5 Adex Wera
- 6 Israel Eliab
- 7 Ase Boas
- 8 Enock Maki
- 9 Wartovo Puara
- 10 Esau Siune
- 11 Brandy Peter
- 12 Kato Ottio
- 13 Timothy Lomai

Ol pilaia husat bai stap long risev em

- 14 Adam Korave
- 15 Atte Bina
- 16 Willie Minoga
- 17 Henry Noki
- 18 Nickson Borana
- 19 Roger Laka
- 20 Edward Goma
- 21 David Lapua

Long ol risev lain, bai ol i rausim 4-pela bihain.



Hepi 16th Bon Dei i go long naispela Mis Deborah Dakoko Kana (01/08/15) na Hepi 2nd Bon Dei i go long lovely Mis Sharmaine Babi Magun (4/8/15).

Papa God long blesim tupela naispela pikinini meri, 'Debsco' na 'Shamsham'.

Olgeta famili long Saroa, Goldie, Taurama, Madang na Australia i tingim yutupela long dispela de.

HEPI, HEPI BON DE-EI !!

"Tok bilong yu i olsem lam bilong helpim mi long wokabaut stret, na i olsem lait bilong soim rot long mi."

Buk Song 119:105.



Fifita no i nap pilai sapos kot i painim asua long pilai bilong em...



FOMA gren fainal reperi, Bill Harrigan i tok, tupela Cronulla pilaia long Nesanel Ragbi Lig (NRL), Andrew Fifita na David Fifita, i mas kisim malalo insait long 12-pela mun sapos ol toktok i stap olsem ol i bagarapim ragbi lig pilai opisal em i tru.

Ol i mekim wok painimaut long tupela Fifita brata i bin kamapim birua pasin namel long ol opisal long wanpela liklik ragbi lig gem.

Cronulla sif eksekutiv i tok dispela birua pasin i mekim olgeta ragbi lig lain i no pilim amamas.

"Tupela twin brata i pretim tripela pilai opisal bihain long A-gred gem long Glenwood long las wik Sarere," ol eksekutiv i ripot.

Cronulla i go insait long top eit



CRONULLA Sharks i strongim top eit ples long Nesanel Ragbi Lig (NRL) bihain long em i winim ol Canterbury Bulldogs wantaim 81-16 poin. Long las wik Sande, 19, 005 man-meri i bin stap long Belmo Spot pilai graun i

amamas taim ol Sharks i kisim planti penelti gol na skruim poin i go antap moa yet. Valentine Holmes i no aburusim wanpela konvesen kik bilong ol Sharks i bringim ol i go insait long resis long top eit ples.

Johnson i aut tasol Warriors i gat strong yet

HUKA bilong Warriors, Nathan Friend, i gat bikipela tingting long ol Warriors bai go long fainal. "Shaun Johnson bai no i nap long pilai long olgeta sisen i stap yet, bikos em i bin kisim bikipela bagarap na em bai no inap stopim ol long go insait long fainal," Friend i ripot. Johnson i kisim bagarap long lek join long las wik Sarere pilai we Sea Eagles i lus wantaim 32-12. Johnson i putim wanpela trai na bihain em i kisim bagarap we skoa i sanap olsem 6-6 bikos Tuimoala Lolohea i no prèt long putim konvesen kik i go insait. Sea Eagles i traim hat long winim dispela gem tasol Warriors i daunim em long namba tu hap bilong pilai.

Tit mak bilong Bromwich i kamapim bikipela toktok...



NESENEL Ragbi Lig (NRL) pilai rivyua komiti bai toktok long pilaia bilong Melbourne Storm, Jesse Bromwich, husat i putim tit mak long namba wan pilaia bilong St George Illawarra, Josh Dugan.

Ol i putim Bromwich long ripot long em i putim tit long bodi bilong Nu Saut Wels pul bek long 69 minit. Dugan i poinim han bilong em taim em i stap fri bihain long ol i takolim em pinis. Em i toktok wantaim referi, Matt Cecchin, long taim ol i kisim malalo na em i putim long ripot. Prop bilong Wests Tigers, Martin Tau-pau, i tromoim han i go long pilaia bilong Sydney Roosters, James Maloney, long las wik Fraide nait pilai em ol bai toktok tu.

Port Moresby to LOSUIA

Buy one Y class POM to Losuia and pay for the next 3 at **15% DISCOUNT!**

You also get a **27% discount** on rooms at Lokuia Lodge which includes meals.



www.facebook.com/linkpng

Where would you rather be?

Offer ends July 31st, 2015



Book online at www.airniugini.com.pg

Call Toll Free: 180 5465 or email: sales.linkpng@airniugini.com.pg / tours@airniugini.com.pg

PNG i bin winim planti gol, silva na brons medol long sapot bilong ol sapota, famili na ol poro manmeri long 2015 Pasifik Gem long Pot Mosbi.

Lukim ol sampela piksa bilong ol sapota i sapotim tim PNG.



Ol dai hat sapota bilong volibal i sapotim tupela pilaia bilong ol long nambis volibal.



Ol mangi Jiwaka i amamas long lukim Toea Wisil i winim gol medol.



Ol sapota bilong ragbi 7s i putim was long tim bilong ol.



Stone i bungim ol sapota bilong em.


Ol poto: Nicky Bernard



Ol karate lain i kam sapotim Stone long taim em i ran long 400 mita.



Ol dai hat sapota bilong Hunters i kam long ol pilai ragbi 9s.



IMPROVED TASTE! Niupela teist wantaim planti mit na oil. Teistim na bai yu laikim moa yet.

DIANA Tuna



Emi tuna
bilong PNG



Manufactured by



RD Tuna Canners Ltd.

Moa mit na
oil insait



TUNA IN OIL

Trukai Industries i givim K65, 000 long ol PNG weitlifta

Philemon Tame i raitim

TRUKAI Industries i givim K65,000 i go long ol Papua Niugini weitlifta husat i winim gol medal long 2015 Pasifik Gems.

Jeneral Menesa bilong Sels na Maketing hap bilong Trukai kampani, Andrew Daubney, i mekim tok promis pinis long media, bipo long ol bai statim Pasifik Gems, olsem em i putim K5000 long ol wan wan gol medal wina.

Dispela toksave em i bin mekim klostu long taim Trukai Industries i givim wanpela kar i go long PNG Weitlifting Federesen (PNGWF) long sapotim ol.

Daubney i tok, "Mi bin lukim ol weitlifta i tren strong na ol i kamaut wantaim kala bilong ol long taim bilong Gems na i winim 13 gol medal olgeta."

Wantaim dispela, Thelma Mea Toua i skruim medal tali bilong Tim PNG i go antap moa wantaim 3-pela gol medal na Trukai Industries i givim K15, 000 long em.

Ol weitlifta husat i winim tupela gol medal em Morea

Baru, Toua Philip Udia, Guba Hale na Steven Kari. Trukai Industries i givim K10, 000 long ol wan wan wina.

Weitlifting sempion bilong PNG, Dika Toua, na Sandra Ako i winim wan wan gol medal we Toua i kisim K5, 000 na Ako i kisim K5, 000.

"Mipela i amamas long poro-man wantaim ol nambawan spot pipel long ol i makim Trukai kampani na i putim PNG long ples klia long mep bilong wol," Daubney i tok.

"Taim 2015 Pasifik Gems i pinis, mipela i ken tok olsem ol PNG weitlifta i bin mekim gut tasol em i no pinis bilong em, nogat. I gat planti gem bai kamap yet na Trukai Industries i lukluk long sapotim PNG Weitlifting yet, bikos trukai i stat long sapotim PNGWF long yia 2000."

Em i tok moa olsem, "Dispela mani Trukai i givim em bilong mekim ol weitlifta i amamas long ol i ken tren strong long winim planti moa gol medal long ol nara-pela gem bai kamap long bihain."



Ol 4-pela Gold medol wina bilong Wetlifting i sanap wantaim prais mani bilong ol i kam long Trukai Indastres. Poto: Nicky Bernard.



ISUZU N-SERIES

the Perfect Business Partner.

**BOROKO
MOTORS**

Port Moresby 325 5255 Lae 472 1144 Madang 422 2659 Mt Hagen 542 1933 Goroka 532 3552 Kimbe 983 5035 Kokopo 982 8193 Tabubil 649 9048
Email: info@borokomotors.com.pg | Web: www.borokomotors.com.pg

